

喪禮

朝夕哭奠

奔喪

上食

治喪

吊

奠

賻

家禮源流

戊





家禮源流卷之八

喪禮

朝夕哭奠 上食

朝奠

每日晨起主人以下皆服其服入就位

梁谷曰尸在床而未

殯男女位于尸傍則其位南上以尸頭所在為上也既殯之後女子則依前位于堂上南上男子則

位于階下其位當北上以殯所在為上也

書每日常具朝奠於東階下內外夙興各縗服男


子就東階下位若升哭於殯東其位如始成服之式婦人升詣殯西位內外皆哭

哭畢者立哭侍者設盥櫛之具于靈床側奉塊帛

出就靈座

出就靈座謂入靈床奉出也

然後朝奠執事者問



男喪以奴為行者而祭之猶云不可况女喪以避
嫌女僕之故而使奴執奠可乎退溪曰執奠子弟
之職內喪使奴執奠之失不待言也復設蔬果脯
子弟行之子弟或有故寧親執可也

盥祝盥手焚香斟酒主人以下再拜哭盡哀每日

晨起侍者設盥盆帨巾擗具于靈床側凡生時所
用之物皆列之執事者設蔬果脯盥羹飯茶酒匙

箸于靈座前卓子上又置執事盥盆帨巾於其座
東主人以下入就位哭盡哀出魂帛魂帛出侍者

入靈床中斂枕被祝點茶主人以下且哭且拜餘
同本註○禮畢用罩巾罩蔬果之類夏月撤去脯

盥茶酒之類○備朝哭朝奠餘同上○以按
儀禮朝夕哭與奠節次各異而或者以哭奠誤認

為一項
事非是

雜記朝夕哭不帷無柩者不帷朝夕之間孝子欲
見朝夕之問孝子欲

其帷哭畢垂下之無柩葬後也神主祔
廟之後還在室無事於堂故不復施帷○國禁

哭則止朝夕之奠即位自目也國有大祭祀則喪者不敢哭然朝夕

奠時自即阼階下位司仍禮節之故事以行也

檀弓 朝奠日出夕奠逮日逮日及日之未落也方

象夕食孝子事死如事生也 惟殯非古也自敬姜之哭穆伯

始也禮朝夕哭寒帷敬姜避嫌故

劉氏 章曰凡奠用脯醢者蓋古人家常有之如

無別具饌數器亦可夫朝夕奠者謂陰陽交接

之時思其親也疏朝奠須日出夕奠須日未沒者欲得父母之神隨陽而

來故也 通禮之昏定晨省也朝奠將至然後徹夕奠夕

奠將至然後徹朝奠各用罩子集說罩用竹為格白生絹為之

若暑月恐臭敗則設饌如食頃去之止留茶酒

果屬仍罩之聲韻會陟教坊四拜通解冒

於盡愛敬之誠而已貧則稱家之有無劉氏璋

曰凡祭祀品味亦稱人家貧富不貴豐腴貴在

脩潔奈何今俗於喪中莫為左務華侈兄弟姊妹

婦先後相尚以物具之豐儉議精誠之厚薄其

中油蜜果子花燭等物爭高競大以義僉觀富

者既遠於誠慙貧者終困於經營顧於親身夕

遠之圖多所闕而不暇恤可歎也已又凡祭物

禮畢即當撤去而如果子之類備得既難又靈

卓空曠為嫌喻旬歲月一設而不動塵埃蒙校

一櫟莫羅即撒花

食時上食

士張禮記燕養饋羞湯沐之饌如他日註

附祭註起

子說下

如朝奠儀

上 **簡** 執事者撤去朝奠陳設如前餘同

膳用肉

大全 李綱善問檀弓既祔之後唯朝夕哭拜朔奠而張先生以為三年之中不徹几筵故有日祭溫公亦謂朝夕當饋食則是朝夕之饋當終喪行之也不變與禮經不合如何朱子曰此等處今世見循之禮不害其為厚而又無嫌於僭且當從之○或問虞祭之前朝夕朔望奠而不獻虞卒哭之後漸用吉禮則必用三獻固也但朝夕上食亦必用三獻則近於繁只用一酌則非祭之吉未知如何世有上食不啻酒者苟簡不可從也或以為古人既葬之後無朝夕上食有明證朱子丁外憂居寒泉精舍只朔望來拜几筵若有朝夕上食則先生豈可遠去几筵而獨寓寒泉乎無乃先生守墓於寒泉而主婦進饌於几筵耶退溪答曰虞後古禮三獻如卒哭祔練祥等祭上食非祭之比安有三獻但不奠一酌則又非也祭後上食與否或人所疑似然而

實有未然者昔陸子壽昆弟亦有此說又謂几
 筵不終喪而撤朱子力卞其不然子靜不以爲
 然子壽悟前說之非有肉袒負荆之語夫几筵
 既云當仍設而終三年則上食決不可廢朱子
 於寒泉往來之禮凜亦疑於此而不得其說今
 亦不敢妄爲之說恐只當從俗終三年上食每
 上一酌爲是耳

伯量李繼善等問目按以朱子答陸子壽胡
 渠溫公說及朱子答葉味道書觀之當不罷上
 食罷與不罷尋常有疑唯當以朱子所謂不害
 其爲厚又無嫌於僭且當從之之教爲定論耳
 或問成服前無上食之禮非闕典乎退溪答

曰上食所以象平時死喪大變之初死者魂氣
 飄越不定生者披括哭擗無數此時只設奠以
 依神則可矣上食以象平時非所以處大變也
 當是時生者三日不食亦爲是也而今之儀註

於小歛前已有上食之文恐失禮意也○又曰
 三年朝夕上食無燃燭之文未知如何然廢之
 未安而貧家蠟燭難繼或曰油燈代用無妨○
 或曰廬墓朝夕上食世多有合祭兩親曾在

廟之主遷奉于廬所或有假為桑木主者如何
退溪答合祭非但無文可據吉凶並行非禮無
疑廟主還廬所固為無理桑木假主三年後處
之亦難孝子知禮者不為並行則善矣若未免
俗而并祭者以紙榜行之三年後焚之差可然
終始非禮也○顧廣曰葬後上食非古經本意
而後世相襲行之今俗就墓旁廬安主於別廳
朝夕之食不廢至大祥乃已又國俗考妣忌日
多并設祭仍此援例或有某親先亡而其葬同
處則乃作位版設食於共卓甚者曾有二室三
室者亦皆聯設不敢廢一雖亡在三四十年之
前墓有東西南北之異一遇新喪俱設而并祭
果何禮耶須自忌祭依禮文只行一位然後始
祛此惑矣若於俗節行祀於墓前而先亡之親
葬在同塋則不可為之變其服異其禮矣如此
者在所不論也又曰喪禮有進而無退故葬後
罷朝夕奠有朔望奠至祥後祔墓則便撤几筵
唯朔望通新舊主行祭禮而已今俗於大祥後
仍奉几筵行朔望之祭或有朝夕上食如舊至
禫乃已雖云寧失之厚大非禮意也凡喪祭始

終隆殺莫不有漸聖人節文至精至密後人遵守猶恐未至豈容徑情更為亡於禮者之禮乎

夕奠

如朝奠儀畢主人以下奉魂帛入就靈座謂靈座

床哭盡哀儀節撤去舊奠陳設如前儀如朝奠侍者先入靈床內鋪被安枕然後出奉魂

帛安床上置鞞鞋于床下收晨所陳具按朝陳顙擲至夕始收似未安

哭無時

朝夕之間哀至則哭於喪次喪服疏哭有三無時始死未殯以前哭不

絕群一無時既殯以後卒哭祭已前作階之下朝夕哭在廬中思憶則哭二無時既練之後無朝夕

哭也卒哭有廬中哭或十日或五日思憶則哭三無時也卒哭之後未練之前也有朝夕哭是一有時也

喪服小記無事不辟廟門哭皆於其次廟門殯宮之門有事

則闢無事不辟朝夕哭受吊哭皆即門內之位若晝夜無時之哭則皆於倚廬也

檀弓 穆伯之喪敬姜晝哭文伯之喪晝夜哭孔子

曰知禮矣哭夫以禮哭子以情中節矣故孔子美之 ○以曰寡婦不夜哭蓋其遠嫌之

道穆伯夫也止於晝哭而不嫌於薄文伯子也晝夜哭而不嫌於厚孔子所以謂之知禮也 ○

父母之喪哭無時使必知其反也小祥後君使之不得不行反必

祭告俾神靈知其已反出必告反必面之義也

朔日則於朝奠設饌

饌用肉魚麵米食羹飯各一器禮如朝奠之儀

是最侍者設饌比朝夕奠加盛望日如常儀 奠○按禮毋喪朝祭則用父為主用父為主

則是以夫而祭妻也其禮視子於父母為輕其行禮之際稍加節文似不為過今觀子之喪毋有父

在案前焚香斟酒執事者點茶再拜禮畢按母喪而父主之若父不親焚香斟酒則與子主者何異子喪父母所以不親行者居重喪未葬不當用行也○**備要**同本註○**按**士喪記朔月不饋于下室疏大小歛朝夕奠等皆無黍稷唯有下室若生有黍稷今此殷奠自有黍稷故不復饋食於下室也大夫以上又有月半奠亦不饋食於下室云按朔奠已設飯羹朝上食不當復設

問母喪朔祭子為主朱子曰凡喪父在父為主

則父在子無主喪之禮也又曰父沒兄弟同居

各主其喪註云各為妻子之喪為主也則是凡

妻之喪夫自為主也朱子曰夫祭妻亦當拜今以子為

喪主似未安○**昌氏**曰若遇朔望節序則具盛

饌其品物此朝夕奠差衆禮疏曰士則月望不

盛奠唯朔奠而已

按家禮無論士與大夫皆無月半之奠蓋朱子斟酌

時宜從簡之道也東俗雖寒士家亦設於月半非家禮之意然其來已久似難卒變○

復曰按初喪立喪主條凡主人謂長子無則

長孫承重以奉饋奠今乃謂父在父為主父在

子無主喪之禮二說不同何也蓋長子主喪以

奉饋奠以子為母喪恩重服重故也朔奠則父

為主者朔殷奠以尊者為主也喪服小記曰婦

之喪虞卒哭其父若子主之虞卒哭皆是殷祭

故其夫主之亦謂父在父為主也朔祭父為主

義與虞卒哭同

李端書問故和儀六品以下至庶人無朔奠而

溫公書儀皆有之今當以何者為據朱子曰既

有朝奠則朔奠且遵當代之制不設亦無害○

退溪答人曰既曰朔望奠則固當不比於朝夕

之畧世俗所為合於高氏禮斯為得之朱子謂

如朝奠儀者謂只一獻無三獻節文耳非謂設

饌只如朝奠也但禮緣人情設饌有加而只獻

一盂近於欠畧國朝五禮儀註有連奠三酌

之禮依此行之為當士唯朔奠者先王制禮有

降殺亦其宜也然今人非至於窮不能辦則并

舉望奠亦未為得也○又答人朔望奠三獻混

兄弟喪中行之今思之未為得也○又曰居廬

者朔望節日當行於几筵行於墓所者非也○

或問東人四時節祀皆得墓祭或云寒食端陽

則可矣正朝秋夕乃朔望也朔望殷奠也盡几

筵而往奠墓側不可云曾見南中人前期三四

日行事於墓側此與朱子所云鄉里所為者相

似未知如何退溪答曰節祀古所無而起於後

今人平日皆行於墓所如使三年內并節祀皆歸凡遂則雖魄所在一無所事是謂神不在於彼也直待喪畢始行於彼則無乃有求神於所無之嫌乎正朝秋夕朔望之祭亦思得良是或此二節係南中所為而寒端二節用當日行於墓或正秋仍只行於几筵而餘二節行於墓恐皆無不可也○大祥後禫前朔望祭退溪說見下大祥章未附註撮凡筵下○**願**廣祥後朔望說見上朝

有新物則薦之

上 **禮** 有薦新如朔奠
註疏 詳見下本經下

如上食儀

禮 新物者五穀果品菜蔬一應新熟之物凡初出而未嘗者用大盤盛陳于

靈座前
卓子上

禮 有薦新如朔奠

禮 曰薦新重時物也薦新於廟死者已遠則感傷或殘

薦新於殯其痛尚新則感傷必重朔祭謂之大奠其禮視大斂故薦新亦如之

月令 仲春之月 鮮 薦 羔 開 冰 先 薦 寢 廟 季 春 之 月

薦 鮪 于 寢 廟 孟 夏 之 月 以 鼃 嘗 麥 先 薦 寢 廟 仲

夏 之 月 以 雛 嘗 黍 羞 以 舍 桃 先 薦 寢 廟 孟 秋

之 月 農 乃 登 穀 嘗 新 先 薦 寢 廟 仲 秋 之 月 以 犬

嘗 麻 先 薦 寢 廟 季 秋 之 月 以 犬 嘗 稻 先 薦 寢 廟

郊 廟 禮 言 古 者 為 新 于 廟 之 寢 無 尸 不 卜 日 不 出

神 主 奠 而 不 祭 近 時 擇 日 而 薦 非 也 物 熟 則 薦 不

以 孟 仲 季 為 限 月 令 孟 夏 薦 麥 孟 秋 薦 黍 季 秋 薦

稻 呂 氏 月 令 一 歲 之 間 八 薦 新 物 開 元 禮 加 以 五

十 餘 品 景 祐 中 禮 官 建 議 以 為 呂 記 簡 而 近 薄 唐

令 雜 而 不 經 請 自 今 孟 春 薦 韭 以 郊 羞 以 藟 仲 春

薦 水 季 春 薦 筍 羞 以 舍 桃 孟 夏 以 鼃 嘗 麥 仲 夏 嘗

雛 以 黍 羞 以 瓜 季 夏 羞 以 葵 以 菱 孟 秋 嘗 栗 與 稷

羞 以 棗 以 梨 仲 秋 嘗 柞 嘗 稻 羞 以 蒲 季 秋 嘗 菽 羞

以 兔 以 栗 孟 冬 羞 以 鴈 仲 冬 羞 以 鹿 季 冬 羞 以 魚

今春不為鋪實為闕典請季春薦鋪
以應經義如鋪魚闕即以魴鯉代之

劉氏

曰孝子之心事死如事生斯殯不忘其

親也如遇五穀

稻黍稷麥菽

百果

有六而桃為下

孔子曰果屬

祀不用不登郊廟此桃即今所謂桃李之桃也

一應新熟之物必以為

之如上奠儀凡靈座之闕除金銀酒器之外盡

用素器不用金銀錢飾

當錢河西

以主人有哀

素之心故也

檀子

註虞以前親喪未久奠而不謂之祭其奠也非不敬其親也哀

心特甚禮尚質朴無心於飾故用素器虞以後親喪漸久卒附練祥雖在喪制之中已是祭祀

之禮其祭祀也非不哀其親也敬心加隆非如初喪之素器也祭喪主於哀祭主於敬故喪奠

祀則盡禮之質而見其哀祭

祀則盡禮之文以寓其敬

士喪禮朝夕哭不辟子卯既殯之後朝夕及哀至乃哭不代哭也子卯禁

紂三日凶事不避吉事闕焉婦人即位于堂南上哭丈夫即位

于門外西面北上外兄弟在其南南上賓緇之北

上門東北面西上門西北面東上西方東面北上

主人即位辟門外兄弟異姓有服者也辟開也婦

人拊心不哭方有事止謹置主人拜賓旁三右還入門哭

婦人踊先西面拜乃南面拜東面拜也主人堂下直東序西面兄

弟皆即位如外位卿大夫在主人之南諸公門東

以進他國之異爵者門西少進敵則先拜他國之

賓凡異爵者拜諸其位賓皆即此位乃哭盡哀止主人乃右還拜之如外位

矣兄弟齊衰大功者主人哭則哭小功總麻亦即位乃哭上言賓此言卿大夫明其亦賓爾少進前

於列異爵卿大夫也他國卿大夫亦前於列尊之拜諸其位就其位特拜

者盥于門外燭先入升自階階丈夫踊徹者徹大飲之宿奠

祝取醴北面取酒立于其東取豆籩俎南面西上

祝先出酒豆籩俎序從降自西階婦人踊序次設

于序西南直西榮醴酒北面西上豆西面錯立于

豆北南面籩俎既錯立于執豆之西東上酒錯復

位醴錯于西遂先由主人之北適饌遂先者明祝不復位也適

饌適新饌○乃奠醴酒脯監升丈夫踊將復奠

入如初設不巾入於室也如初設者豆先次籩次酒次醴也不巾無道無栗也道

栗具則有俎有錯者出立于户西西上滅燭出祝

俎乃中之一也闔户先降自西階婦人踊奠者由重南東丈夫踊

賓出婦人踊主人拜送哭止乃奠奠則禮畢衆主人出婦人

踊出門哭止皆復位闔門主人卒拜送賓揖衆主

人乃就次○右朝奠○朔月奠用特豚魚腊陳三鼎

如初東方之饌亦如之朔月月朔日也自大夫以上月半又奠如初者謂大

飲無籩有黍稷用瓦敦有盖當籩位黍稷併於饌也於是始

有黍稷死者之於朔月月半猶平常之朝夕主人大祥之後則四時祭焉疏曰平常猶生時也主人

拜賓如朝夕哭卒徹舉鼎入升皆如初奠之儀卒

訖釋匕于鼎俎行訖者逆出甸人徹鼎其序醴酒

鼎俎行者俎后執俎行者俎其設于室

豆錯俎錯腊特黍稷當籩位敦啓會郤諸其南醴

當籩位俎南黍
黍東稷會蓋也
祝與執豆者巾乃出
為共

之主人要節而踊皆如朝夕哭之儀○月半不殷也

殷盛也。士月半不復如朔盛奠下尊者也。

薦五穀
若時果

物新○徹翔奠先取醴酒其餘取先設者敦啓會
出者

啓會徽時不復蓋也面是執之令
是間鄉前也曷有是則曷之形如

其設于外如於室

○記翔月童子執帚

童子隸子弟若內豎寺人之
屬執用左手卻之示未用

從徹

童子不
專禮事

比奠舉席掃室聚諸寔布席如初

卒奠掃者執帚垂末內鬣以接從執燭者而東此

先也室東南燕養饋羞湯沐之饌如他日燕養平

供養也饋朝夕食也羞四時之珍異湯沐所以洗

去汚垢內則曰三日具沐五日具浴孝子不忍一

日廢其事親之禮於下室日設之如生存也進徹

之時如其頃疏曰一日之中三時食今註云朝夕

不言日中者或鄭畧言亦有日中也或以死後畧

去日中直有朝夕食也下室燕寢之室如其頃象

生時一朔月若薦新則不饋于下室以其殷真有

食之頃如今之內堂正寢聽朝事疏曰大夫以上又

吊奠賻

凡吊皆素服

幘頭衽帶皆以白生絹為之

各隨其所當服之衣而用縞素者

今制惟國恤用布裹歛帽其餘則不許有官者衣可變而冠不可變若無官者用素巾可也

檀弓

羔裘玄冠夫子不以吊

羔裘玄冠朝服馬氏曰吊者在小歛前猶

當服之此言小歛之後也

雜記

大夫之哭大夫弁經大夫與

去聲殯亦弁經夫

之喪既成服而大夫往吊則身着錫衰首加弁經弁經者如爵弁而素加以環經也若與其殯事是未成服首亦弁經但身不錫衰耳不錫衰則皮弁服也大夫有私喪之葛則

於其兄弟之輕喪則弁經

註見上

服問

公為卿大夫錫衰以居出亦如之當事則弁

經大夫相為亦然為其妻往則服之出則否

君為卿大

夫之喪成服之後着錫衰以居出謂以他事而出
非至喪所亦着錫衰首則父弁也當事若大斂及
殯持槨啓殯等事則首弁經身錫衰若於士則首
服皮弁也大夫相為亦然者如君於卿大夫也若
君於卿大夫之妻及卿大夫相為其妻而往臨其
喪亦服錫衰但不常着之以居或以他事出則不
服也錫衰
解見儀禮

問今吊人用橫鳥幘頭此禮如何朱子曰此是

玄冠以吊正與孔子所謂羔裘玄冠不以吊者

相反退溪曰古人至以首屨經往吊今人雜服

以吊俗之弊也素冠雖不可為白衣白帶
甚可也

奠用香茶燭酒果

有狀或用食物即別為文其貴末誠不必
今俗爭相修飾或

未易辦遂不行之感矣餅搗婦人相饋之物豈男
子之肴饌乎何不烹一隻雞醢一壺酒哭而酌之

尚有靈魂必
為歆享矣

司馬溫公曰東漢徐穉字孺子豫章人每為諸公所辟

雖不就有死喪負笈篋也古人多言
負笈謂自負赴吊嘗於

家預炙雞一隻以一兩綿絮漬浸潤也酒中曝乾

曝露也以裹雞經到所赴冢隧外隧墓道也謂
掘地通道以

葬以水漬絮使有酒氣汁米飯白茅為藉以雞

置前醢也酒畢留謁漢書上謁註
若今通名也則去不見喪

主然則奠貴哀誠酒食不必豐腴厚也孺子如

此者是要用他自家酒不用別處底所
以綿漬者蓋路遠難用器皿盛故也

賻用錢帛

賻 註賻之言補也助也 贈 賁財曰賻衣被曰襚穀梁曰貝玉曰舍

有狀惟親友分厚者有之

曲禮

吊喪不能賻不問其所費

亦見表記

檀弓

伯高之喪孔氏之使者未至冉子攝束帛乘

馬而將之孔子曰異哉徒使我不誠於伯高

冉子知以

財行禮而不知聖人之心于其誠不于其物

○孔子之衛遇舊館人之

喪入而哭之哀出使子貢說驂而賻之子貢曰於

門人之喪未有所說驂說驂於舊館無乃已重乎

夫子曰予鄉者入而哭之遇於一哀而出涕予惡

夫涕之無從也小子行之

從自也若不賻則是於死者無故舊情此涕為

無自而出 ○子柳之母死既葬子碩子柳之弟欲以賻布之

餘具祭器子柳曰不可吾聞之也君子不家於喪

請班猶分也諸兄弟之貧者不家於喪惡曰死者而為利也 ○孟獻

子之喪司徒旅歸四布夫子曰可也送終畢賻布有餘家臣承

主人之意使旅下士還歸四方賻主

文王世子族之相為也至于賙賻承贈舍皆有正

焉隨其親疎各有正禮賤子官治之

少儀臣致禭於君則曰致廢衣於賈人識物價貴賤而主君

之衣敵者曰禭親者兄弟不以禭進但直將進而

以將命故云臣為君喪納貨貝於君則曰納甸於

有司甸田也臣受君田此納者田野所出贈馬入廟門賻馬與其幣

太白兵車不入廟門賻馬以送死者故可入廟門賻幣所以助主人喪事之用

故不入廟門太白之旗與兵車雖并送喪之用賻以其本戰伐之具故亦不可入此謂鄰國為賻賻

者既致命坐委之擯者舉之主人無親受也來賻者既

致其主之命即跪而委致其物於地擯者舉而取之主人不親受異於吉事

具刺通名削竹木以書姓名於奏白曰刺○古未有紙削竹木以書姓名故謂之刺後以紙書

名紙故曰

賓主皆有官則具文狀手謁註國朝有官君子請謁於人親書云某

手謁上某官即今之門狀也唐李德裕為相人務加禮改具銜候起居之狀謂之門狀否則

名紙題其陰面先使人通之與禮物俱入

入哭奠訖乃吊而退

既通名喪家炷火燃燭禮秋官司烜氏掌以夫

明燭禮季氏祭逮闇而祭日不足結之以燭

東禮乃奠燭升自阼階禮二燭俟于賓門外

人從禮質明滅燭禮宵為燎于門內之右禮厥明

滅燎執燭俠輅北面禮讀遣卒命哭滅燭出禮記

中奠執燭者滅燭出禮按喪祭禮用燭之節

如右仍記于此以備參考禮進主人燃燭以待奠者至禮前跪焚香奠酒拜主

人哭而答之焚楮錢餘同吊儀禮若具香燭楮錢來

吊者亦同但不具狀并酒以此觀之所謂燃燭之

儀吊者所持來之燭明矣禮或問家禮不言用燭

答曰不言用燭而用燭雖可疑喪禮吊客之入有

燃燭之文用燭恐無不可但不須每位雙燭禮

按

本朝五禮儀大夫士庶人喪成資既畢別

設掩壙奠而又於白晝丘壙之上設燭以奠此吾

東俗墓祭用燭之始也然未知其義今姑從禮經

之說早闇則燃燭既明則滅之可也

禮祭祀并無用燭之節而儀禮有質明滅燭之文

禮記有日不足繼以燭之語以此觀之燭之為用

只以破闇無預於事神之道也唯奠禮則必用香

燭何耶意者一家之人精神嘗接固無所待矣若

其自外來者復憑光氣薰灼之功可通幽明有無

之際茲所以用之者歟余又見白晝墓祭亦必具

燭未山原八風之地寸焰豈可久燃而燭苟未燃

則雖饌品已陳羹飯已冷不敢行獻或脫筮籠之

張袂帷之奔走驚救終不

成禮此輩不可不曉也布席皆哭以俟護喪出

迎賓賓入至廳事進揖曰竊聞某人傾背音佩棄也遠也

不勝驚惶敢請入酌西曰酌當作奠○并仲

慰禮護喪引賓入至靈座前哭盡哀再拜焚香跪

酌茶酒

簡要執事者跪奉盞與賓賓受之還授執事置靈座前

俛伏興護喪

止哭者祝跪讀祭文奠賻狀於賓之右畢興賓主

皆哭盡哀賓再拜主人哭出西向稽顙再拜

禮記

人多不解禮每吊客致慰專不起動只俯伏而已此非禮也吊客拜靈座而出則喪者當出自喪父禮曰居喪之禮升降不也吊客當答拜
西階而升降乎今家禮主人哭出西向再拜賓亦東向答拜所謂西向之位其不在階下乎曰按士喪禮君使人撻主人拜如初有大夫則特拜之即位于西階下東面不踊註云即位西階下未忍在主人在位也疏曰小斂後始就東階下西南面主人在位也又男女奉尸俛于堂主人出于西降自西階衆主人東即位主人拜賓即位踊註即位踊東方位疏即位踊東方位者謂主人拜賓訖即向東方作階下即西面位又按雜記曰吊者即位于門西東面主孤西面相者入告出曰孤某須矣吊者

入主人升堂西面吊者升自西階註門西大門之西也主孤西面立於階之下也復待也凶禮不

出迎故云復矣主人升堂由階而升也曲禮升降不由階謂平常無吊賓時耳以此觀之始死

拜賓在西階下東面而小賓亦哭東向答拜進曰

不意凶變某親某官奄忽傾背備要亡者官尊云捐館伏惟

哀慕何以堪處主人對曰某罪逆深重禍迄某親

伏蒙奠酌并賜臨慰備要奠酌并賜四字不勝哀感又

再拜賓答拜又相向哭盡哀賓先止寬譬主人曰

脩短有數痛毒奈何願抑孝思俯從禮制乃揖而

出主人哭而入護喪送至廳事茶湯而退集說薄

酒食待客者非禮宜痛革之按書儀賓答拜後有主人置杖坐几子或不設坐褥或設白

樽茶湯至則不執托子賓退持杖而送之之文今世士大夫聞喪賓吊之有設草座待客者客出不送此雖俗禮若來吊者果平日親厚主人以下止之人有事相資者少留恐亦無害

哭○若亡者官尊即云薨逝稍尊即云捐館生者

官尊則云奄棄祭養存亡俱無官即云色養若尊

長拜賓禮亦同此惟其辭各如啓狀之式見卷末

儀節

奠儀序立獨祭則曰就位舉哀哀止再拜詣靈座前若是衆賓則尊者一人獨詣焚香跪尊長

者否執事者跪奉盞與賓賓接之傾酒于地執事者接盞置靈座前讀祭文于賓之右舉哀再拜焚

祭文哀止禮畢○**禮記**曰曲禮凡非吊喪非見國

君無不答拜者則吊喪不答拜明矣而家禮本書

儀乃從世俗有賓主拜答之文蓋禮從宜二先生

蓋以義起也吊拜尚以義起之若夫祭奠而主人代亡者拜恐無甚害今擬吊奠者尊長於亡者則主人代拜平等與卑者則否○吊儀吊者至護喪

入白主人以下各服其服就位哭以待吊者至向靈座立舉哀哀止詣靈座前上香再拜主人持杖

哭出西向立吊辭同本註但尊長來吊不拜主人

哭備要按廣記凡死者是敵以上則拜必者則不

拜喪者二人以上只吊其識者過期年則不

哭情重者哭禮記孔子惡野哭註所知吾哭諸

野夫子常言之蓋必設位而帷之以成禮此所惡

或郊野道路哭非其地以按禮賓不答拜凡

非吊喪無不答拜也今當從高氏半答跪於之禮也

所以不答拜也今當從高氏半答跪於之禮也

曲禮知生者吊知死者傷知生而不知死吊而不

傷知死而不知生傷而不吊不知生而吊近於諛

吊廣記謂吊生者哭謂哭死者生死皆識則既

哭而不齊者不吊哀則凡非吊喪無不答

拜者禮故士喪禮有賓則拜之賓不答拜是也

哭日不歌子於是日哭則不歌司馬溫公薨當明

子瞻亭同輩以往伊川因爭引論語哭則不歌子

瞻曰不可謂歌則不哭也伊川又論司馬諸孤不

得受吊子瞻戲曰可謂煥猶鄒叔孫通也一作

禮成賀而不吊如何朱子曰這也可疑或問賀則

不吊而國家事體又重則不吊似無可疑曰便是

則難由樂而哀則甚易且與早作樂而暮聞親屬

總麻之戚不成道既聚則不哭這箇是一脚長一

脚短不辭得平以某禮之伊川有些過處道夫問

溫公諱日與禮成日同則吊之可也或已在先則

更差一日亦莫未有害否曰似乎在先但勢不恁

地自是合如此只如進以禮退以義罪疑惟輕功

疑惟重天下事自是恁地拜停不得語類○

疑伊川哭則不歌之說朱子以伊川為不是密有

疑焉蓋是時一慶一吊皆同朝共舉一日之間吉

凶相龍旋罷旋集禮讀情散恐不如翌日早吊之

為得不宜以恒人聞親戚之喪即趨奔赴者例論

又禮原流卷八

十二

之也伊川豈不愚而失言於其間哉○臨喪不笑望柩不歌入臨不

翔不歌與不笑義同臨哭也不翔不為容也

檀弓曰死而不吊者三畏厭弱畏方氏曰戰陣無勇也陳氏曰

自經溝瀆也或云亡命闖狼也畏壓溺皆非正命故在所不吊應氏曰情之厚者豈容不吊為國而

死於兵者亦無不吊之理○傷而不吊畏壓溺可傷尤甚故特致哀死者不吊

生者以異之且如何不淑之詞無所施焉○吊於人是日不樂行吊之

日不飲酒食肉焉餘哀未忘也○食肉此古人曰變

而變常為得性情之正然先王制禮曰人情而為之節文必情與文稱乃為得宜恐吊喪之日不飲

酒食肉可以施於有服之親或情分之厚者若吊

是常之人只當於行吊之時不飲酒食肉吊畢則復常既與死者平時分疎但須少變平日以存古意可也朱子曰有服則不但吊日不飲酒食肉矣

其他則視情分之
厚薄可也
⑤五十無車者不越疆而吊人

始衰之年不可
以筋力為禮也
曾子曰朋友之墓有宿草而不哭

焉
草根陳宿是期年之外可無哭矣
○
書曰既葬則先之墓指親喪而言若朋友非至

親之比恐不必先之墓况既葬逐魂之後几筵為
重奠於几筵而無行吊為當曾子所云朋友之

墓有宿草不哭只謂或几筵在他而行奠於墓者
可如此耳非謂必先之墓如親喪也且觀古禮文

凡吊者賓無不哭主人無不哭答雖過虞練皆然
與曾子之云似若不同與今人主笑而賓不笑殊

異若酌則三年已過當就墓
所識其兄弟不同居

者皆吊
死者既吾之所知識則其兄弟雖與死者不同居我皆當吊之所以成往來之情義

本義
所識者吊先笑于家而後之墓皆為之成踊

從主人北面而踊
情雖由於死者禮則施於生者主人墓左西向賓北面而奠

少長尊長族已踰等喪俟事不植特吊若於尊長之喪則待

主人笑之時而往不非時特吊○曰俟時謂俟朝夕哭時

族之相為也宜吊不吊宜免不免有司

罰之當免不免當吊不吊有司罰之如之何不吊

答曰吾以其疎遠也子思聞之曰無恩之甚也昔

者季孫問於夫子曰百世之宗有絕道乎子曰綏

之以姓義無絕也故同姓為宗合族為屬雖國子

之尊不廢其親所以崇愛也是以綴之以食序列

昭穆萬世婚姻不通忠篤之道然也（出經傳通解）

曾子問曰三年之喪吊乎孔子曰三年之喪練不
群立不旅行君子禮以歸情三年之喪而吊笑不
亦虛乎群立旅行則為忘哀彼忘吾親哀在親
吊為矯偽非虛而何○宋子曰居喪吉禮

固不可與然吊送禮却似不可廢所
謂禮從宜者此也（詳見下居喪雜儀）

檀弓子張死曾子有母之喪齊衰而往哭之或曰

齊衰不以吊曾子曰我吊也與哉（友義隆厚不容不往但往哭而

不行吊禮耳○曾子既聞夫子之言○有殯聞遠矣往哭子張得非好事者為之歟

兄弟之喪雖總必往非兄弟雖鄰不往（三年之喪在殯不得

出吊然兄弟則恩義存焉同姓之恩隆異姓之恩殺

雜記三年之喪雖功衰（小祥後衰與大功同故云）不吊自諸侯

達諸士如有服而將往哭之則服其服而往（如有五服

之親喪而往哭不着已之功衰而依彼親之節以服之也暮之喪練則吊（鄭氏曰凡

齊衰十一月皆可以出吊此為父在為母既葬大功吊哭而退不聽事

焉已有大功之喪已葬也往吊他喪則期之喪未

葬吊於鄉人哭而退不聽事焉功衰吊待事不執

事儀禮姑姊妹適人無主者姪與兄弟不執期正

謂此也雖未葬亦可出吊但不聽事此喪既葬

受以大功衰此後吊於人可以待主小功總執事

不與於禮執事擯相也禮饋奠也

雜記婦人非三年之喪不踰封而吊三年之喪父

嫁為父母期此檀弓婦人不越疆而吊人○魯婦人之髻而吊也

自敗於臺執鮐者始也髻不以吊時家家

喪次記婦人迎客送客不下堂此言小斂後迎賓

固不下堂若君夫人來吊則
主婦下堂至庭稽顙不哭
○太夫君以大夫之臣

君不迎于門外入即位于堂下
位在阼階下西向
主人北

面衆主人南面婦人即位于房中若有君命命夫

命婦之命四鄰賓客其君後主人而拜
不敢如國君尊代為

主必以主人在已後待此君拜竟主人復拜也
大夫士若君不戒而往不

具殷奠君退必奠
以君來告死者且以為榮也

喪服小記為父母長子稽顙大夫吊之雖總必稽

顙
服重者先稽顙而後拜賓服輕者先拜
○婦人

為夫與長子稽顙其餘則否

雜記為妻父母在不杖不稽顙母在不稽顙稽顙

者其贈也拜他人以物來贈之時則稽顙父在則贈拜亦不得稽顙

檀弓孔子曰拜而后稽顙顙乎其順也稽顙而後

拜頌懇乎其至也三年之喪吾從其至者朱子曰拜而後

稽顙先以兩手伏地如常然後引首向前扣地也而後拜者開兩手而先以首扣地却交手如

常也○拜稽顙哀戚之至隱也稽顙隱之甚也隱痛也

喪大記男子出寢門外見人不哭敵者之吊不出門若有君命而

出迎亦不哭也此小斂後也

喪服小記主人未除喪有兄弟自他國至則主人

不免而為主喪後君吊非時亦免敬君故新其親屬尚其故不免而為主也

雜記凡喪服未畢有吊者則為位而哭拜踊殺禮不以

而待新吊之賓也
言凡者五服悉然

檀弓

大夫之喪庶子不受吊

適子以他故不在庶子不敢受吊不以卑

賤為有爵者之喪主

○將軍文子之喪既除喪而後越人來

吊主人深衣練冠待于廟垂涕洟子游觀之曰將

軍文氏之子其庶幾乎亡於禮者之禮也其動也

中

禮無吊人於除喪之後亦無除喪後受人之吊深衣吉凶可以通用練冠不純吉亦不純凶廟

者神主所在待而不迎受吊之禮也不哭而垂涕哭時已過而哀情未忘也善其處禮之變

司馬溫公

曰凡吊人者必易去華盛之服有哀

戚之容若賓與亡者為執友則入酹婦人非親

戚與其子為執友嘗升堂拜母者則不入酹

禮記

家祭無忘告乃翁

自今人內喪宜拜靈座前非禮也生時無通
家升堂之分則內外之禮截然不可亂也 九

吊及送喪者問其所乏分導營辦貧者為之執

紼紼引棺索貧者負土之類毋擾及其飲食財

貨貨可也死者可救而復生謂生者或不救而死

也夫孝子之夜親不能食者三日其哭不絕聲

既病矣扶而後起問而後言其惻怛之心痛疾

之意幾不欲生則思慮所及雖大事有不能周

者而況於他哉故親友鄉黨聞之而往者不能

吊哭而已莫不致力焉後世不然賓止于吊哭

而莫肯與其事主人舍其哀而為飲食以奉之
甚者至子損奉終之禮以謝賓之勤廢吊哀之
儀以寬主人之痛由是先王之禮意亡矣今欲
行之者不必盡如禮意于始喪則哭之有事則
行之量力之所及為營葬具之未具者以應其
救輟子弟僕隸之能幹者以助其役易紙幣壺
酒之奠以為隨除供帳饋食之祭以為賜一撫

也與聘凡喪家之待已皆悉以他辭無受焉則
幾矣○**江氏**曰今世俗於親賓來吊往往設席

以待之裂帛以散之送往之日親友釀錢為主
人設宴於墓所醉飽歌唱甚者孝子亦預飲啜

亦何禮也今擬親賓之來遠路者令無服之人
設素饌以待之似亦無害但不可飲酒耳○**陳**

御問子食於有喪者之側未嘗飽也於是日
哭則不歌然質之日用間則此事更有曲折如

臨乎喪側主人若留飲或犇之不得或與長者
同行長者留則少者有不得已辭者辭以實則

形主人之非禮辭以疾則偽難掩力辭而峻拒
則又恐拂情而近於硜硜之信果不知如何為

當其有情輕不至於哭但以尋常行吊者或感
物而笑樂或燕會於他所與夫送人之葬而與

飲昨燕賓等類不審有妨無妨如何朱子曰行
吊而遇酒食須力辭必不得已留亦須數辭先

起予可醉飽○**張氏**答人曰喪次設酒食處之
之道如陳安卿所云當矣此則已赴他喪所處

之宜耳已當喪而待客欲反今之弊俗而合古
之禮意其間曲折至為難處者多○**程子**葬父

便周恭叔主客欲酒恭叔以告先生
曰勿陷人於惡出近思錄臨喪飲非禮○高氏

曰既謂之奠而乃燒香酌酒則非奠矣世俗承

習久矣非禮也○又曰喪禮賓不答拜九非吊

喪無不答拜者曲禮文註見上胡先生書儀曰若吊人

是平交則落一膝展手策之如擗策之策以表半答

若孝子尊吊人卑則側身避位候孝子伏次卑

者即跪還去聲統也須詳緩去就無令跪伏與孝子

齊○楊氏復曰按程子張子與朱先生後來之

說真謂安置也奠酒則安置於神座前既獻則

徹去奠而有酌者初酌酒則傾少酒于茅代神

祭也今人直以奠為酌而盡傾之於地非也高

氏之說亦然何曰亦然謂高氏亦以今人以奠為酌而盡傾之於地為非也

與此條所謂入酌跪酌似相牴牾科柱也斜蓋相抵觸

家禮乃初年本當以後來已定之說為正詳見

祭禮降神條又曰按吊禮主人拜賓賓不答

拜此何義也蓋吊賓來有哭拜或奠禮主人拜

賓以謝之此賓所以不答拜也故高氏書有半

答跪還之禮凡禮必有義不可苟也書儀家禮

從俗有賓答拜之文亦是主人拜賓賓不敢當

乃答拜今世俗吊賓來見凡筵禮云虞而主尸有凡筵凡所以

象神筵哭拜主人亦拜謂代亡者答拜非禮也

既而賓吊主人又相與交拜亦非禮也

儀禮經傳通集

有公事不廢吊孔子兄子孔篋與安子賤偕仕

也問子賤對曰雖有公事燕以吊死問疾是朋友之道

友薦也子喟然曰君子哉若人○死非義不吊

琴張聞宗魯死將往吊之仲尼曰齊豹之盜孟

繫之賊汝何吊焉左傳○哭賤宋陽門之介夫

死司城子罕八而哭之哀晉人之規宋者報於

晉曰介夫死而哭之哀殆不可伐也孔子聞之

曰善哉規國乎詩云凡民有喪扶匍服匍救之

也○哭哭不避亂左傳襄仲哭公孫穀不以惡廢疾

股而哭之○子哲欲攻子產子安曰殺有禮禍莫



大焉乃止○**通解**公族之刑者不吊不為服哭

于異姓之廟為忝祖遠之也素服居外不聽樂

私喪之也骨肉之親無絕○**龍**曰不但公族

私喪亦可倣此而行之也○**開元禮**若刺史哭其所部生入設席於極東西向刺史素服持到相者引主人去杖立於門內之左北面刺史入升自東階即座西向坐哭主人升就位哭刺史哭盡哀將起主人降復階下位刺史降出主人拜送於大門外拭哭而入若刺史遣使吊使者至掌次者引就次內外俱衰服主人以下就階下位婦人入就堂上位內外俱哭使者素服執書相者引入門而左立於階間東面使者致辭主人拜稽顙相者引主人進詣使者前西面受書退復位左右進受書主人拜送於位相者引使者出使者若自入吊如上吊儀客出以頃內止哭○**朱子**曰開元禮刺史吊民畧如古者君吊臣禮本朝刪去

吊者入靈座奠退吊主入圖



家禮通考卷六

卷六

問故二字他本在使下者

聞喪

奔喪

曰男子有事四方安能免離親哉然則奔喪之事不幸而時亦

有焉此先王所以作為之禮也

始聞親喪哭

親謂父母也以哭答使者又哭盡哀問故

陳節計至舉哀

問故男子去冠及上服婦人去首飾及華盛之服被髮徒跣不食哭擗無數

奔喪

之禮始聞親喪以哭答使者盡哀問故

又哭盡哀

親喪總言五服之親也

易服

裂布為四脚

曰四脚之制用布一方幅前兩角綴兩大帶後兩角綴兩小帶覆頂

四垂因以前邊抹額而繫大帶於腦後復收後脚而繫小帶於髻前以代古冠亦名幘頭亦名折上

巾其後乃以恭絲白布衽繩帶麻屨為脚家禮本

書儀恐是當時有此制今世人不用忽然以行遠

路恐駭俗觀擬用有子粗麻布為衫戴白帽束以

麻繩着麻鞋○按此當有被髮一節而家禮

不見蓋蒙上文初終之儀也儀節於入門詣拈前

再變服條有曰就東方被髮如初喪則始聞喪被

髮徒跣而為奔喪不可被髮而行故歛髮着四脚

巾到家又被髮徒跣也○重喪既成服奔

母喪在途恐只以重服行而王彼行變成之禮似

可蓋重喪遭輕喪當其事則服其服既事反重服

重服而行為常故也○母喪奔喪時在道着

恐不可行

奔喪 凡奔喪有大夫至袒拜之成踊而後襲於士

襲而后拜之


此言大夫士來吊此奔喪之人尊卑禮異

四脚巾圖

前大帶
後小帶

小

前大帶
後小帶



大帶
大帶

遂行

日行百里

山變之 註方氏曰古者吉行五十里今以
言其大約也道路舍止不能皆然書儀云今人雖
或與親屬偕行不能百里道中亦不可留滯也

不以夜行雖哀戚猶避害也

遂行日行百里不以夜行唯父母之喪見星

而舍

曾子問 老聃曰見星而行者唯罪人與奔父母之

喪者乎○孔子曰婦人不百里而奔喪

道中哀至則哭

哭避市邑喧繁之處

為驚衆也

○

司馬溫公

曰

今人奔

喪

及

後

極

行

者

遇

城

邑

則

哭

過

則

止

是

飾

詐

之

道

也

也

也

望其州境其縣境其城其家皆哭

家不在城望其鄉哭

過國至竟境哭盡哀而止哭辟避市朝望其

國竟哭

入門詣柩前再拜再變服就位哭

初變服如初喪柩東西向坐哭盡哀又變服如大

小斂亦如之河西曰亦如之者柩東西向坐哭盡哀也○

婦各具服就位哭以待奔喪者至哭入門升自西階詣柩前四拜且拜且哭擗踊無數哭少間拜吊

尊長受卑幼拜吊且哭且拜并問所以病死之故乃就東方去冠及上衣被髮徒跣不食如初喪各

就其位次而哭第次日晨興男子袒括髮婦人髻至上食時捲所袒衣者戴巾巾上加環經腰具經

散垂并具交帶詳見初終○備要同
本註按家禮儀節與禮記各有異同

奔喪至於家入門左升自西階殯東西面坐哭盡

哀括髮袒降堂即位西鄉哭成踊龍衰經于序東

絞帶反位拜賓成踊送賓反位鄭氏曰已殯者位在下此奔喪在殯

後故自西階降而即其堂下東之位也襲經者掩其袒而加腰經也不散麻者亦異於在家之節也

此絞帶即襲經之經非象革帶之絞帶也凡拜賓皆就賓之位而拜之拜竟則反己之位也

賓後至者則拜之成踊送賓皆如初衆主人兄弟皆出門出門哭止闔門相者告就次於又哭括髮

袒成踊於三哭猶括髮袒成踊三日成服拜賓送

賓皆如初皆如初者如先次之拜賓成踊與送賓反位也次在中門外又哭明日之朝也

三哭又其明日之朝也皆升堂括髮且袒如始至時三日三哭之明日也奔喪者非主

人其餘親則主人為之拜賓送賓奔喪者自齊衰

以下入門左中庭北面哭盡哀免麻于序東即位

袒與主人哭成踊於又哭三哭皆免袒有賓則主

人拜賓送賓丈夫婦人之待之也皆如朝夕哭位

無變也

免麻免首經腰上言襲經此言免麻輕重雖殊皆是堂下序牆之東也九袒與襲不

同位也待之謂待此奔喪者以其非賓客故不愛所哭之位也奔母之喪西面哭

盡哀括髮袒降堂東即位西鄉哭成踊襲免經于

序東拜賓送賓皆如奔父之禮於又哭不括髮喪

襲經于序東此言襲免經于序東加免輕於父也疏曰此謂適子故拜送賓婦人奔喪

升自東階殯東西面坐哭盡哀東髻即位與主人

拾踊

婦人謂姑姊妹女子子東階東面階非阼也婦人入者由闈門闈門是東邊之門東階

即雜記所謂側階也東髻髻於東序不髻於房變於在室者也拾更也與主人更踊賓客之也○

為母所以異於父者壹括髮其餘免以終事他如

奔父之禮

疏曰一括髮謂歸入門哭時也及殯一括髮不及殯亦一括髮

喪服記

奔父之喪括髮於堂上袒降踊龍經于

東方奔母之喪不括髮袒於堂上降踊龍免于東

方經即位成踊出門哭止三日而五哭三袒不言

異於始死至即以麻括髮于殯宮堂上袒去上衣

降階階東而踊踊而升堂襲掩而袒之衣而著腰

經手東序之東此奔父喪之禮也若奔母喪初時

括髮至又哭以後至於成服皆不括髮其袒於堂

上降踊者與父同父則括髮而加經母則不括髮

而加免此所異也著免加腰經而即位於階東

然出門出殯宮門而就廬次初至一哭明日朝夕

哭又明日朝夕哭兩謂三日而五哭也三

喪大記

哭尸于堂上主人在東方由外來者在西

方諸婦南鄉

婦人哭位本在西而東面今以奔喪者由外而來合居尸之西故退而近

北以向
南也

雜記

婦人三年之喪則君夫人歸夫人其歸也以

諸侯之吊禮其待之也若待諸侯然夫人至八自

闈門升自側階君在阼其他如奔喪禮然

闈門非正門宮

中往來之門也側階非正階東房之房階也此皆異於女賓主國君在阼階上不降迎也奔喪禮謂

哭踊盡麻之類

○大夫士將與祭於公既視濯而父母死

則猶是與祭也次於異宮既祭釋服出公門外哭

而歸其他如奔喪之禮如未視濯則使人告告者

反而後哭

猶是與祭者猶是在吉禮之中不得與祭但居次於異宮耳以吉凶不可同

處也未視濯則使人告於君俟告者反而後哭父母也

禮大夫死雖當祭猶告春秋傳曰

大夫國體也古人重死君命無所不通如諸父昆弟姑姊妹之喪則

既宿則祭前三日將與祭卒事出公門釋服而后

歸其他如奔喪之禮如同宮則次于異宮死者是已同宮

之人則既宿之後出次異宮亦以吉凶不可同處也

曾子問曰卿大夫將為尸於公受宿矣而有齊衰

內喪則如之何孔子曰出舍於公館以待事禮也

受宿受君命而宿齊戒齊衰內喪大門內齊衰之喪

奔喪者至家入門詣柩前再拜變服就位哭泣圖

行尊丈夫

服就位哭
之四日成
三日亦如
先就位哭
哭二日裡
哭又就位
初至柩前

行尊女婦

初至柩前
哭又就位
哭二月裡
就位哭三
日亦如之
四日成服
就位哭

下以功期莊同

服就位哭
之四日成
免三日裡
哭又就位
初至柩前

男衆人主

冠被髮去
男子初至
就位在柩
上哭二日
就位哭三
日亦如之
就位哭

柩

拜奠

女衆婦人主

之四日成
服就位哭
三日亦如
哭二日裡
就位哭三
日亦如之
初至柩前

同姓期功以下

就位哭
之四日成
服就位哭
三日亦如
哭二日裡
就位哭三
日亦如之
初至柩前

幃

丈夫柱異

北

異姓婦女

北

入門

柩

柩

西

幃

後四日成服

與家人相吊賓至拜之如初

家男婦各服其服就

位哭奔喪者具衰經持杖向靈座陝地入少頃詣所尊諸父前跪哭又向諸母前跪哭卑幼者又向

奔喪者前跪哭一如前成服儀賓客有來吊者哭出迎之稽顙再拜且拜且哭尊長不答拜其餘否

○或問在途遭兄喪未殯歛故兄弟過四日亦未成服到家殯殯後一日方成服而弟念此雖非奔

喪之例以兄嫂觀之亦有奔喪而未到喪次者也喪至之日雖即大殮其儀節則一依始死禮第四

日成服如何退

若未得行則為位不奠

按奔喪疏此奉君命使事未了不可以已私廢公事

故成服以俟君命他人代已也

設椅子一技以代尸柩左右前後設位哭如儀但

不設奠其精神不存乎是也鄭氏曰不奠以若喪側無子孫則

此中設奠如儀招前設卓子一張上置香爐香盒

燭臺之類主人坐於位東衆男坐其下皆藉以簟

主婦坐於位西衆婦女坐其下以南為上哭不絕

聲設奠儀節為位之後是日即陳設蔬果脯醢羹

飯茶酒之類於卓子上用侍者一人為祝祝洗手

焚香斟酒再拜舉哀自是以後朝夕日中凡三次

遇朔日即盛設如在家儀有子孫在喪側則不設

變服

亦以聞後之第四日去上衣散髮者用麻繩束之

首戴白布巾上加算股之經禮所謂環經也具腰

經散垂其末三尺及具絞帶婦人用麻繩撮髻掉

竹木簪服輕者皆着素服袒開上衣用布纏頭或

着白巾亦可成服儀節聞計第四日夙興五服之

人各服其服執杖有腰經者絞其麻本之散垂者

去環經男位於靈位東女位于西各以尊早為序

舉哀相吊卑幼者以次跪尊長前跪哭吊慰盡哀
復位受吊儀節同初終禮○按變服必不待

四日之後而此下又無成服
一節起變字即成字之誤

卒喪

若未得行則成服而後行未得行若奉命聞而使事未竟聞

喪不得奔喪哭盡哀問故又哭盡哀乃為位括髮
袒成踊襲經絞帶即位拜賓反位成踊賓出主人
拜送于門外反位若有賓後至者拜之成踊送賓
如初於又哭括髮袒成踊於三哭猶括髮袒成踊
三日成服於五哭拜賓送賓如初

聞喪而未得行則為位哭

行尊夫

婦女尊行

下及子孫皆同

如欲入此

倚子

以代尸柩

女尊之禮也

女尊之禮也

此故

齊

若喪側無子孫此中設奠

無

夫文姓異

異姓婦女

在道至家皆如上儀

若喪側無子孫則在道朝夕為位設奠至家但不變服其相吊拜賓如儀

各具服以俟其人衰經持

杖哭入門升自西階詣柩前四拜哭擗無數吊如成服儀就其位次坐哭在家者皆哭○按奔喪既除喪而後歸亦括髮據此成服而奔喪者恐當有括髮之節

若既葬則先之墓哭拜

之墓者望墓哭至墓哭拜如在家之儀未成服者

變服於墓歸家詣靈座前哭拜四日成服如儀已

成服者亦然謂靈座前哭拜也但不變服

奔喪奔喪者不及殯先之墓北面坐哭盡哀主人

之待之也即位於墓左婦人墓右成踊盡哀括髮

東即主人位經絞帶哭成踊拜賓反位成踊相者

告事畢尸柩既不在家則當先哭墓此奔喪者是適子故其衆主人之待之者與婦人皆往

墓所分左右之位奔者括髮而於東偏
即其主人之位告事畢之墓之事畢
遂冠歸入

門左北面哭盡哀括髮袒成踊東即位拜賓成踊

賓出主人拜送有賓後至者則拜之成踊送賓如

初衆主人兄弟皆出門出門哭止相者告就次於

又哭括髮成踊於三哭猶括髮成踊三日成服於

五哭相者告事畢遂冠而歸不可以括髮行於道

始死為一哭明日象小斂為二哭又明日象大斂

為三哭又明日成服為四哭又明日為五哭皆數

朝哭不數夕哭鄭云既期而至者則然故相者告

事畢若未期則猶朝夕哭不五哭而畢也哭雖五

而括髮成踊則止於三

○齊衰以下不及殯先之墓西面哭

盡哀免麻于東方即位與主人哭成踊襲有賓則

主人拜賓送賓賓有後至者拜之如初相者告事

畢遂冠歸

奔父母之喪之墓而哭則北面齊衰以下則西面者蓋北方重陰以示哀之隆

西方小陰以示哀之殺

入門左北面哭盡哀免袒成踊東即

位拜賓成踊賓出主人拜送於又哭免袒成踊於

三哭猶免袒成踊三日成服於五哭相者告事畢

疏曰齊衰以下有大功小功總麻月日多少不同若奔在葬後而三月之外大功以上則有免麻東

方三曰成服若小功總麻則不得有三日成服小功以下不挽無追服之理若葬後通葬前未滿五

月小功則亦三日成服總麻者止臨喪節而來亦得三日成服也拜賓則主人代之拜當主人拜賓

時已則成踊也又曰經直言免麻于東方即位不稱袒而下云成踊襲襲則有袒理經若言袒恐齊

衰以下皆袒故不得總言袒而稱襲者容齊衰重得為之襲也又按上文為父不及殯於又哭括髮

成踊不言袒今齊衰以下之喪經文於又
哭三哭乃更言袒故知二袒字衍文也 ○若除

喪而后歸則之墓哭成踊東括髮袒經拜賓成踊

送賓反位又哭盡哀遂除句於家不哭主人之待

之也無變於服與之哭不踊袒經即於墓除之也

家者但着常時吉服也自齊衰以下所以異者免

不踊以服除哀殺也麻齊衰大功小功總之服奔喪在除服之後者唯

麻首免腰麻經於墓所哭罷即除無括髮等禮也

故云所異者免麻○云云曰今制仕宦者於投期

以下喪不得奔喪及其官滿而歸往往在服滿之

後今擬戴白布巾具腰經詣墓再○所識者吊先

哭于家而後之墓皆為之成踊從主人北面而踊

註見上哭必從主人先而

賓從之故曰從主人

八

喪服小記

奔兄弟之喪先之墓而後至家為位而

哭所知之喪則哭於宮而後之墓

兄弟天倫也所知人情也係於

天者情惡於禮由於人者禮勝於情宮故殯宮也

記又云不及送葬者遇主人於道則遂之於墓亦

指凡弟喪而言皆至親之喪哀痛迫切無所不用

其極之禮也若朋友之喪非至親此則恐不必先之墓

適

凡弟之送葬者弗及遇主人於道則遂之

於墓

遇主人葬畢而返則不可隨主

齊衰以下聞喪為位而哭

尊長於正堂早幼於別室

擇日舉哀

不宜哭故遂荒而受吊 凡悲哀之至

在初聞喪即當哭之何暇擇日但法令有不得於

州縣公廨舉哀之文則在官者當哭於僧舍愚謂

今在官者聞齊衰大小功喪不得奔喪三日中可
委政於同僚朝夕為位會哭於僧舍四日成服亦
如之以日易月齊衰二十五日大功九日小功五
日畢仍吉服聽政每月朔變服為位會哭月數既
滿即除之至於總小功則會哭成其他皆哭於本
服俱不必行但哭之盡哀可也

家可也

在喪

凡為位非親喪齊衰以下皆即位哭盡哀而

東免經即位袒成踊龍衣拜賓反位哭成踊送賓反

位相者告就次三日五哭卒主人出送賓衆主人

兄弟皆出門哭止相者告事畢成服拜賓若所為

位家遠則成服而往人臣奉君命以出而聞父母之喪則固為位而哭其餘不得為位也此言非親喪而自齊衰以下亦得為位者必非奉君命以出而為私事未奔者也以上言五哭者四前三節皆止計朝哭故五日乃畢獨此所言謂初聞喪一哭明日朝夕二哭又明日朝夕三哭并計夕哭者以私事可以早畢而亟謀奔故也成服拜賓者謂成服後有賓亦與之哭而拜之也前兩節五哭後不言拜賓者省文耳成服而後往蓋外喪緩可容辦集而行也 ○哭父

之黨於廟母妻之黨於寢師於廟門外朋友於寢

門外所識於野張帷凡為位不奠云舊說異代之禮所以不

同不然記者所聞或誤歟○奠謂之不祭則不可但恐不如喪奠久設也 ○哭

天子九九日諸侯七七日卿大夫五士三大夫哭

諸侯不敢拜賓哭諸侯哭舊君也諸臣在他國為

位而哭不敢拜賓在他國為使而出與諸侯為兄弟亦為

位而哭亦謂在異國者凡為位者壹袒一袒謂為位之日明日以往不袒矣

若父母之喪則必三袒○聞遠兄弟之喪既除喪而后聞喪

免袒成踊拜賓則尚左手註已見稅服條下○無服而為

位者唯嫂叔及婦人降而無服者麻麻者吊服加總之環經也

鄭氏曰正言嫂叔尊嫂也凡公於弟之妻則不能也

檀弓子思之母死於衛赴於子思子思哭於廟門

入至曰庶氏之母死何為哭於孔氏之廟乎子思

曰吾過矣吾過矣遂哭於他室伯魚卒其妻嫁於衛之庶氏嫁母與

廟絕不得哭於他室異室也○曾子與客立於門側其徒趨而

出曾子曰爾將何之曰吾父死將出哭於巷曰反

哭於爾次曾子北面而吊焉其徒門弟子也次其人所寓之館舍也士

喪禮主人西面賓在門東北面此曾子所以北面而吊之也○有殯聞遠兄弟

之喪哭于側室無側室哭于門內之右同國則往

哭之側室燕寢之房室門內大門之內哭于側室欲其遠殯宮也于門內之右不居主位示為

之變也○妻之昆弟為父後者死哭之適室子為主

袒免哭踊夫入門右使人立於門外告來者狎則

入哭父在哭於妻之室非為父後者哭諸異室此聞

妻兄弟之喪而未往吊時禮也父在已之父也為父後妻之父也門外之人以來吊者告若是交游

習狎之人則徑入哭之情義然也疏曰女子子適人者為昆弟之為父後者不降以其正也故姊妹

之夫為之哭於適室之中庭甥服舅總故命已子
為主受吊拜賓也凡哀則踊踊必先袒袒必先免
故袒免哭踊也夫入門
右者謂此子之父也 ○曾子曰小功不為位也

者是委巷之禮也子思之哭嫂也為位婦人倡踊

申祥之哭言思也亦然委曲也曲巷猶言陋巷不
見禮儀鄙朴無文言思子

所以叙親疎恩紀之昆弟也○馬氏曰哭必為位者
所以叙親疎恩紀之昆弟也

故曰無服而為位者惟嫂叔蓋無服者所以遠男
女近似之嫌為位者所以為兄弟內喪之親子思

哭嫂為位婦人倡踊以婦人有相為婦如之義而
不敢以已之無服先之也至於申祥之哭言思亦

如子思非禮矣妻之昆弟外喪也而既無服則不
得為哭位之主矣記曰妻之昆弟為父後者死哭

之適室子為主夫入門右由是言之哭妻之昆弟
以子為主異於嫂叔之喪也以子為主則婦人不

當倡踊矣○方氏曰無服之喪猶
且為位知小功不為位尤為非也伯高死於衛

赴於孔子孔子曰吾惡烏乎哭諸兄弟吾哭諸廟
父之友吾哭諸廟門之外師吾哭諸寢朋友吾哭
諸寢門之外所知吾哭諸野於野則已䟽於寢則
已重夫由賜也見我吾哭諸賜氏遂命子貢為之
主曰為爾哭也來者拜之知伯高而來者勿拜也

馬氏曰兄弟出於祖而內所親者故哭之廟門外師以成己之
聯於父而外所親者故哭之廟門外師以成己之
德而其親視父故哭諸寢友以輔己之仁而其親
視兄弟故哭諸寢門之外至於所知又非朋友之
比有相趨者有相揖者有相問者有相見者皆泛
交之者也孔子哭伯高以野太踈而以子貢為主
君子行禮其審詳於哭泣之位如此者是其所以
表微著歟
方氏曰使子貢為主以明恩之有所
由也為子貢而來則吊生之禮在子貢知伯高而
來則傷死之禮在伯高或拜或不拜允以稱其情

○孔子哭子路於中庭有人吊者而夫子拜之既

哭進使者而問故使者曰藍之矣遂命覆藍

哭之中庭

師友之禮也覆藍痛子路之禍而不忍食其似也○張氏曰哭以師友之間也○孔子惡

野哭者

所知吾哭諸野夫子嘗言之矣蓋哭其所知必設位而惟之以成禮此所惡者或郊

野之際道路之間哭非其地又且倉卒行之使人

哭諸野者也

雜記凡異居始聞兄弟之喪唯以哭對可也其始

麻散帶經

以哭對哀傷之情重不暇他言麻皆散

功以下○有殯聞外喪哭之他室入奠卒奠出改

服即位如始即位之禮

註見上并

喪服小記

哭朋友者於門外之右南面

南向者為主以待吊

賓也

若奔喪則至家成服

奔喪者釋去華盛之服裝辨即行既至齊衰望鄉而哭大功望門而哭小功以下至門而哭入門詣柩前哭再拜成服就位哭吊如儀

檀弓有殯聞遠兄弟之喪雖緦必往

奔喪齊衰望鄉而哭大功望門而哭小功至門而哭緦麻即位而哭

雜記聞兄弟之喪大功以上見喪者之柩而哭

云大功望門哭此大

○未服麻而奔喪及主人之

未成經也疏者與主人皆成之親者終其麻帶經

之日數主疏人未行小飲故未成經小功以下謂之

之大功以上謂之親親者奔喪而重之日數而後成

也服

若不奔喪則四日成服

不奔喪者齊衰三日中朝夕為位會哭四日之朝

成服亦如之大功者亦同大功以下始聞喪為

位會哭四日成服亦如之皆每月朔為位會哭月

數既滿次月之朔乃為位會哭而除之其間哀至

家禮源流卷之八

則哭可也

要答曰師友雖無
服月朔會哭亦同

家禮源流卷之八

家禮源流卷之九

喪禮

治葬

三月而葬前期擇地之可葬者

司馬溫公曰古者天子七月諸侯五月大夫三月

士踰月而葬

玉制註左傳大夫三月士踰月謂大夫除死月為三月士數死月為三月

是越一月今五服年月敕如受敕王公以下皆

三月而葬然世俗信葬師之說既擇年月日時

曰古之卜葬蓋以市朝變遷泉石交侵不可前知故謀之龜筮近代或選年月或相墓田以為窮達

壽夭皆曰卜葬所致按禮天子諸侯大夫葬皆有月數是古人不擇年月也春秋定公十五年九月

丁巳癸亥公兩不克葬戊午日下是乃克葬是古人不擇日也昭公十二年葬鄭簡公司墓之室當路毀之則朝而變不毀則日中而變子產不毀是不擇時也又擇山水形勢以

為子孫貧富貴賤賢愚壽夭盡繫於此而其為術又多不同爭論紛紛無時可決至有終身不葬或累世不葬或子孫衰替忘失處所遂棄捐不葬者正使殯葬實能致人禍福為子孫者亦豈忍使其親臭腐暴露而自求其利耶悖禮傷義無過於此然孝子之心慮患深遠恐淺則為人所相音骨○本作掘深則濕潤速朽故必求土厚水深之地而穿也葬之所以不可不擇也或問家貧鄉遠不能歸葬

則如之何公曰子游問喪具

本義送終之儀物

夫子曰稱

家之有無子游曰有無惡

音烏乎齊

子細切○言何以為厚薄

之劑

夫子曰有母過禮苟無矣歛手足形還葬

音還

旋本註歛畢即葬也

懸棺而窆

彼無切以手懸繩而下之不改碑緯也

人豈有

非之者哉昔廩范千里負喪

亂客死於蜀

范杜陵人父遭范時年

十五往迎父拯舡沉俱溺以救得免

郭平自賣營墓

學親死不能送

葬遂賣身於富家為傭覓錢營墓鄉邦稱之舉孝廩官至大夫

豈待豐富然後葬

其親哉在禮未葬不變服

者不除註謂子於父母

妻於夫孫於祖父母也

食粥居廬寢苦枕塊盖憫

傷也親之未

有所歸故寢食不安奈何舍之出游食稻衣錦不

知其何以為心哉世人又有游官沒於遠方子孫

火焚其柩收燼歸葬者夫孝子愛親之肌體故斂

而藏之殘毀他人之尸在律猶嚴況子孫乃悖謬

如此其始盖出於羌胡之俗浸染中華行之既久

習以為常見者恬然曾莫之恠豈不哀哉秦之西

有儀居之國其親戚死聚柴積而焚之燠則烟上

謂之登遐然後咸為孝子○禮記曰古人犯大惡

則焚其屍今風俗之弊遂以為禮雖孝子慈孫亦

不以為深讐巨惡及親戮其親而納之火中則畧不

以為恠可不哀哉○又曰明道先生至晉城晉俗

尚焚尸雖孝子慈孫習以為安先生教諭禁止民
始信入○聖訓問設如母卒父在父要循俗制喪
服用僧道火化則如何曰公如何曰只得不得日
其他都是皮毛外事若決如此做後之也無妨若

火化則不可泳曰是殘父母之遺骸曰此話
苦將與表服浮屠一道說便是未識輕重在延陵

季子適齊其子死葬於贏博之間孔子以為合禮

必也不能歸葬葬于其地可也豈不猶愈於焚之

哉○**檀弓**曰卜其宅兆卜其地之美惡也程氏自

第所葬以昭穆定之不用墓師以五色帛埋旬日

視色明暗卜地氣善否○**張子**曰葬法有風水山

岡全無義理不足取南方用青囊猶或得之西方

人用一行尤無義理南方試葬地將五色帛埋於

地下經年而取觀之地美則米色不變地氣惡則

色變矣又以器儲水養小魚埋經年以死生卜地

美惡取草木之榮枯**非陰陽家**漢志陰陽家者流

亦可卜地之美惡**非陰陽家**蓋出於義和之官

曆象授時此其所長也及拘者為之則率**所謂禍**

於禁忌泥於小數舍人事而任鬼神也**所謂禍**

福者也地之美則其神靈安其子孫盛若培壅其

根而枝葉沒理固然矣地之惡者則反是然則曷
謂地之美者土色之光潤草木之茂盛乃其驗也

父祖子孫同氣彼安則此安彼危則此危

呂氏問程氏

葬說彼安此安彼危此危墓以藏體魄也所謂安者何所指耶朱子曰正指體魄而言耳程子論此意思甚詳讀之亦其理也而拘忌者惑以擇地之使人惻然感動

方位決日之吉凶不亦泥乎

程子曰葬穴尊者居中左昭右穆而此後

則或東或西亦左右相對而啓穴也○又曰卜選時日亦多乖謬葬者逢日食則舍於道左待明而

行行是必須晴明不可用昏黑也而葬書用乾艮二時為吉此二時皆是夜半如何用之又曰己亥

日葬大凶今按春秋此日葬者二十餘人皆無其應虛妄之甚也下穴之位不分昭穆易亂尊卑死

者如有知居之其安乎如此甚者不以奉先為計皆謬者多矣當棄而勿用

而專以利後為慮尤非孝子安厝厝故切安厝安置也之用

心也唯五患者不得不謹須使他日不為道路不

為城郭不為溝池不為貴勢所棄不為耕犁所及

也一本云所謂五患者溝渠道路避村落遠井窖

韻會余招切燒瓦坑○**陽公**葬說曰葬者藏也

孝子不忍其親之暴露斂而藏之古者雖卜宅卜

日蓋先謀人事之便然後質諸蓍龜庶無後艱無

常地亦無常日也今之葬書乃相山川兩壠之形

勢考歲月日時之干支以為子孫貴賤貧富壽夭

賢愚皆係焉非此地此時不可葬也至有終身而

不葬嗚呼所貴於身後有子孫者為能葬其形骸

也其所為乃如是曷若無子孫死於道路猶有仁

者見而殮之耶就使皆如葬師之言為人子者方

當哀窮之際何不顧其親之暴露乃欲自營福利

耶昔者將葬大尉公族人皆曰葬者家之大事奈

何不詢陰陽吾兄伯康無如之何乃曰詢於陰陽

則可矣安得良葬師而詢諸族人曰有張生者良
師也吾兄乃召張生許以錢二萬張生野夫也世
為葬師所得不過千錢聞之大喜兄曰汝能用吾
言吾俾爾葬不用吾言將求他師張生曰惟命是
聽於是兄自以已意處歲月日時及墳之淺深廣
狹道路所從出皆取便於事者使張生以葬書緣
歸之曰大吉以示族人族人皆悅無違異者今吾
兄年七十九以列卿致仕吾年六十六忝備侍從
宗族之役仕者二十有三人視他人之謹用葬書
未必勝吾家也前年吾妻死棺成而歛裝辦而行
墳成而葬未嘗以一言詢陰陽家迄今亦無他故
吾嘗疾陰陽家立邪說以惑眾頃為諫官嘗笑之
禁天下葬書當時執故莫以為意今茲著論俾後
之子孫欲知葬書之不足信也（會通）○（羅大經）曰
余行天下凡通都會府山水固皆翕聚至於石家
之邑十室之市亦必倚山帶溪氣像迴合若風氣
鬱疏山水飛走則必無人烟起聚此誠不可不信
若乃葬者藏也欲人之不得見也古之人所謂卜
其宅兆者乃孝子慈孫之心謹重親之遺體使其
他日不為城邑道路溝渠耳借曰精擇亦不過欲

其山水迴合草木茂盛使遺體得安耳豈藉此以求子孫富貴乎郭璞謂本骸乘氣遺體受蔭此說殊未通夫銅山西崩靈鍾東應木先於山栗芽於室此乃活氣相感也今枯骨朽腐不知痛痒積日累月化為朽壤蕩蕩游塵矣豈能與生者相感以致禍福乎此決無之理也世之人惑璞之說有貪求吉地未能恇意至十數年不葬其親者有既葬以為不吉一掘未已至掘三掘四者有回買地致訟棺未入土而家已蕭條者有兄弟數人惑於各房風水之說至於骨肉化為仇讐者凡此數禍皆璞之書為之也且人之生也貧富貴賤夭壽賢愚稟性賦分各自有定謂之天命不可改也豈塚中枯骨所能轉移乎如璞之說上帝之命反制於一抔之土矣楊誠齋素不信風水常言郭璞宜妙選吉地以福其身以利其子孫然璞身不免於刑戮而子孫卒以衰微則是其說已不驗於其身矣後世方且誦其書而尊信之不亦惑哉○按古者葬地葬日皆決於卜筮今人不曉占法且從俗擇之可也

胡伯量問某
 舊聞風水之

說新然無之比曰謀葬先人周旋思慮不敢輕置
既以審諸已又以詢諸人既葬之後畧聞或者以
為塋窆坐向以有未安便覺惕然不安乃知人子
之喪親盡心擇地以求止者之安亦未為害朱子
荅曰伊川先生力破俗說然亦自言須是風順地
厚之處乃可然則亦須稍有形勢拱揖環抱無空
闕處乃可用也但不用某山某水之說耳金全○
又荅孫敬甫書曰陰陽家說前輩所言固為正論
然恐幽明之故有所未盡故不敢從欲掩藏其父
祖豈可都不揀擇以為久遠安寧之慮而牽意為
之乎但不當極意過求必為利達之計耳金全○
又曰以子孫而藏其祖考之遺體則必致其謹重
誠敬之心以為安固久遠之計使其形體全而神
靈得安則子孫盛而祭祀不絕此自然之理也是
以古人之葬必擇其地而卜筮以決之不吉則更
擇而卜焉近世卜筮之法雖廢而擇地之說猶存
其或擇之不精地之不吉則必有水泉螻蟻地風
之屬以賊其內使其形神不安而子孫亦有死亡
滅絕之憂甚可畏也○又曰程先生亦揀草木茂
盛處便不是不擇伯恭却只胡亂平地上便葬若

是不知此理亦不是若是知有此道理故意不理會尤不是○答朱子書曰尊嫂已遂葬事否

卜兆固當審處然古人居是邦即葬是邦蓋無處無可葬之地似不必越他境費時月泛觀而廣求

也君子舉動人所師仰近世風俗深泥陰陽家之論君子固不爾但恐聞風失實流弊或滋幸更裁

之○西山先生曰合司馬氏程氏二先生之言觀之以安親為心則地不可以不擇其擇也不可太

拘不至太拘則某枝貧非惟義理所不當問雖陰陽富某山弱則某枝貧非惟義理所不當問雖陰陽

家亦有深排其說者唯野師張皇煽惑以為取利之資擇地者必先破此謬說而後無太拘之患為

人子者所當深察也○又曰欲知地風開壤之際試以燈燭雖孩提之童斷可自識○風開壤之際

之說雖不可信若夫乘生氣以安祖考之遺體蓋有合於伊川本根技藝之論先儒往往取之文公

先生與蔡季通預卜葬穴門人累糗行緝六日始至蓋亦慎擇也昔朱子論擇地謂必先論其主勢

之強弱風氣之聚散水土之淺深穴道之偏正力

量之全否然後可以較其地之義惡後之擇葬地

者誠本朱子是說而參以伊川光潤茂盛之驗及五患之防庶幾得之矣○**屬節**按禮大夫士三日而殯故三月而葬既殯之後即謀葬事其有祖塋則附葬其次若狹窄及有所妨礙則別擇地可也○補告啓期按既夕禮葬請啓期告于賓而書儀於筮得吉之後主人至殯前哭遂使人告于親戚僚友應會葬者家禮無之故今補入既得地則擇日預先以啓期告于親戚姻婭僚友之當會葬者○**備要**同本註

圖禮墓大夫掌凡邦墓之地域為之圖令國民族

葬而掌其禁令正其位掌其度數使皆有私地域

凡爭墓地者聽其獄訟帥其屬而巡墓屬居其中

之室以守之邦墓萬民所葬也古者萬民所葬同處墓大夫分之使各有區域族葬謂

各從其親亦以昭穆為左右也禁令禁其侵爭令其族葬也度數墓之高卑樹之多寡也墓域謂營

有限遮列之處墓中
有室各自守之

王制大夫士庶人三月而葬說見上大夫除苑月士數死月是大夫四

月士○墓地不請墓地有族葬之序人不得而請求已亦不得以擅與

擅有葬於北方北首三代之達禮也之幽之故也

北方國之北也殯猶南首未忍以鬼神待其親葬則終死事故葬而北首南方昭明北方幽暗之幽釋所以北首之義○成子高寢疾慶遺入請曰子之病革

矣如至乎大病死也則如之何子高曰吾聞之也生

有益於人死不害於人吾縱生無益於人吾可以

死害於人乎哉我死則擇不食之地而葬我焉高子

齊大夫不食之地不耕墾之土○公叔文子升於瑕丘蘧伯玉從

文子曰樂哉斯丘也死則我欲葬焉蘧伯玉曰吾

子樂之則反願請前惡其將欲奪人之地自為身後計遂譏之示不欲與

聞其事也

喪服小記附葬者不築宅前人之葬已築而吉故不必再築

檀弓季武子成寢杜氏之葬在西階之下請合葬

焉許之入宮而不敢哭武子曰合葬非古也自周

公以來未之有改也吾許其大而不許其細何居

命之哭不近人情非禮明矣○孔子少孤不知其墓殯於五

父之衢人之見之者皆以為葬也其慎讀為引去聲也

蓋殯也問於鄆曼父之母然後得合葬於防殯於外先

儒謂欲致人疑問也殯引飾棺以轉葬引飾棺以柳妻此則殯引耳陳氏曰終身不知父墓何以爲孔子乎此非細故不得不下

曾子問曰并有喪如之何何先何後孔子曰葬先

輕而後重其奠也先重而後輕禮也自啓及葬不

奠行葬不哀次反葬奠而後辭於殯遂修葬事其

虞也先重而後輕禮也啓母殯後惟設母啓殯朝

宮爲父設奠也次者大門外之右平生待賓客之處

處柩至此則孝子悲哀柩車暫停今爲父喪在殯

故行葬母之時孝子不得爲母伸哀柩不暫停也

葬母而反即於父殯設奠告語於賓以明日啓殯

之期葬柩情之事故先輕奠奉養之事故先重

張子

曰古者掘壙而葬既并有喪則先葬者必不

復土以待後葬者之入相去日近故也○**馬氏**曰

葬者遂終之道也人子之心所弗忍也君子於其

弗忍也所以先輕而後重

喪服小記

父母之喪偕先葬者不虞祔待後事其

葬服斬衰

以父未葬不敢衰服也餘見虞祭条下

檀弓

太公封於營丘比及五世皆反葬於周君子

曰樂岳樂洛其所自生禮不忘其本古之人有言

曰狐死正丘首仁也

太公留周為太師死而葬周子孫反葬於周以從先兆五

世親盡而後止也狐雖微黜丘其窟藏之地死而猶正其首以向丘不忘本也

○延陵季

子適齊於其反也其長子死葬於贏博之間孔子

曰延陵季子吳之習於禮者也往而觀其葬焉其

坎深

去聲

不至於泉其歛以時服既葬而封

如

廣輪

橫曰廣掩坎其高可隱也既封左袒右還左袒以示陽之

變右還以歸其封且號者三曰骨肉歸復乎土命也示陰之

若魂氣則無不之也無不之也再言之者傷離訣之至情而冀魂之

隨已以而遂行孔子曰延陵季子之於禮也其合

矣乎不唯適張葬之節又且通幽明之故夫子善之然為疑辭而不為決辭者蓋季子隨時處

中之道稱其有無不盡拘乎禮者也故夫子如其

乎二字使人由辭以得意也○曰古人適異邦死不必歸葬故里如季子是也然觀季子所處

要之非知禮者也遺書○曰延陵季子便有

老莊之意語類○或問季子之於禮不知聖人何

以取之朱子曰旅中之禮只得如此變禮也只得

如此語類○招魂葬通典東晉元帝時表瑤上表

請禁招魂葬云故僕射曹護沒於寇亂適孫胤招

魂殯葬聖人制禮司情住教鄰周於棺棺周於身

非身無棺非棺無擲胤無喪而葬招幽魂氣於德

為冠義於禮為不物監軍王崇太傅劉洛皆招魂
葬請下禁斷博士阮放傳純張亮等議如壞表賀
循公主魏之郭循皆招魂葬答曰宋代所行豈禮
也哉或引喬山有黃帝之塚是葬神也答曰時人
思帝葬其衣冠非葬神也治中王裳同組意組子
奕附組意于寶駁招魂葬以為失形於彼穿塚於
此亡者不可以假存無者獨可以偽有哉宋君之
遭禍之地備迎神之禮宗廟以安之哀敬以盡之
孔行議云招魂而葬委巷之禮殯葬之意本以葬
形既葬之日迎神而返不思一日離也死乃招魂
而葬反於人情以亂聖典宜可禁也李璋難曰伯
姓火死而叔弓如宋葬恭嬖宋王先賢先武明主
伏恭范逵并通義理公主亦招魂葬豈皆委巷乎
行曰恭姬之焚以明窮而彌正不必灰燼也就復
灰燼骨肉雖灰反則其實何緣舍埋灰之實而反
當葬魂乎此末代失禮之舉非合聖人之舊也北
海公沙畝議云即生推亡依情處禮則招魂之理
通矣招魂者何必葬乎蓋孝子竭心盡哀耳陳舒
武陵王招魂葬議云禮無招魂葬之文宜以禮裁

不應曉遂張憑議云禮典無招靈之文若葬虛推以奉終則非原形之實埋靈爽於九泉則失事神

之道博士江淵議葬之言藏所以開藏尸柩非謂魂也無尸而殯無殯而寔任情長虛非禮所許○

復葬論葬以藏形而以鄉食神季子所云魂氣無不之寧可得招而葬乎○**問**招魂葬朱子曰招魂非禮先儒已論之矣大全○**按**今人有死而失其尸者或葬以木冠殊非禮意○

子思曰喪三月而葬凡附於棺者必誠必信勿之

有悔焉耳矣附於棺者明器用器之屬○**禮**曰

器之屬子路曰傷哉貧也生無以為養死無以為

禮也孔子曰啜菽飲水盡其歡斯之謂孝歛首足

形還葬而無槨稱其財斯之謂禮○子柳之母死

子碩請具子柳曰何以哉子碩曰請粥育庶弟之

子碩請具子柳曰何以哉子碩曰請粥育庶弟之

母子柳曰如之何其弼人之母以葬其母也不可

弼謂嫁之也

擇日開塋域祠后土

主人既朝哭率執事者於所得地掘穴

臣氏曰按掘兆謂掘

地四隅為營兆之域兆謂開穴也家禮刻本多誤以兆為穴字相承之誤久矣殊不知本文只是開

塋域下文穿墻方是掘穴○四隅外其壤掘中南

其壤

北首故壤在足處各立一標當南門立兩標

擇遠親或賓客一人告后土氏

問后土氏之祭朱子曰極以言之似

潛然此即古人中霤之祭只以小者言之非如天子所謂祭皇天后土之大者也○

所謂后土氏者唯唐開元禮有之温公書儀本開元禮家禮本書儀其喪禮開塋域及窆與墓祭俱

祀后土然后土之類對皇天也土庶之家有似
稽考之文公集有祀土地祭文今擬改后土氏
從家禮備要從丘說曰當祝率執事者設位於中標

之左南向設盞注酒果脯醢於其前又設盞盃

巾二於其東南其東有臺架告者所盥其西無

執事者所盥也告者吉服入說不弁經葛與神交

敬也立於神位之前北向執事者在其後東上皆

再拜告者與執事者皆盥洗執事者一人取酒注

西向跪一人取盞東向跪告者斟酒反注取盞酌

于神位前俛伏興少退立祝執版立於告者之左

東向跪讀之曰維某年歲月朔日子曰日十

某官姓名敢告于后土氏之神令為某官姓名營

達宅兆神其保佑俾無後艱註艱謂非常若崩壞也謹以

清酌脯醢祗薦于神尚饗訖復位告者再拜祝及

執事者皆再拜徹出主人若歸則靈座前哭再拜

後倣此儀節告者詣香案前上香酌酒後復斟酒置神位前○按附葬先塋則別以酒

果告于祖先合葬則又告先葬之位○家禮無酌酒而儀節有之酌酒當傾少許於地而

以其盞即奠于神位如廟祭之祭酒半退溪曰後宋子

土葬禮筮宅家人營之宅葬居也家人有司掌墓

經之掘四隅外其壤掘中南其壤既朝哭主人皆

往兆南北面免經免如字免經者求吉不敢然凶命筮者在主人

之右命算者宜由右出也儀筮者東面抽上賴

無執之南面受命命曰哀子某為其父某甫筮宅

度茲幽宅兆基無有後艱某甫其字也宅居也度謀也基始也言為父筮

筮居今謀此以為幽冥居兆域之始得無後將有艱難乎○疏曰上大夫以上卜而不筮下大夫若

士則筮宅筮人許諾不述命右還北面指中封而筮卦

者在左述循也既受命而申言之曰述不述者土禮畧九筮曰會命筮為述命中封中央壤

也卒筮執卦以示命筮者命筮者受視反之東面

旅占卒進告于命筮者與主人占之曰從從筮衆也從猶吉

主人經哭不踊若不從筮擇如初儀更擇地而筮之歸殯

前北面哭不踊易位而哭明非常故○記筮宅家人物土物指

相也相其地可卜曰吉告後于主婦主婦哭婦人

皆哭主婦升堂哭者皆止事○卜日既朝

哭皆復外位卜人先奠龜于西塾上南首有席焚

罇置于燋在龜東楚荆也所以罇罇所以鎖灼龜者燋

共燋契以待卜事九卜以明火燋燋遂灼其燋契

以投卜師遂以役之○疏曰周禮註明火陽燧取

火於日者燋讀如戈罇之罇謂以契挂燋火而吹

之也契既燋以投卜師用作龜後之使助之是楚

罇與契為一皆謂鎖族長涖卜及宗人吉服立于

門西東面南上占者三人在其南北上卜人及執

燋席者在塾西族長有司掌族人親踈者涖臨也

瓦北原兆者也吉服服玄端也占者三人掌玉兆

太卜註兆者也龜發於火其形可占者其象似玉

瓦原之塋鐸是用闔東扉主婦立于其內席于闌

名之焉原田也西闕外為卜者也宗人告事具主人北面兌經左擁之

泣卜即位于門東西面泣卜族長也更西當代主人命卜人抱

龜燋先奠龜西首燋在北既奠燋又執龜以待之宗人受卜

人龜示高以龜腹甲高起所當灼處示泣卜也泣卜受視反之宗人

還少退受命受泣卜命授龜宜命曰哀子某來日

卜筮其父某甫考降無有近悔考登也降下也言此日葬魂神上

下得無近於許諾不述命還即席西面坐命龜興

咎悔者乎授卜人龜負東扉宗人不述命亦士禮畧凡卜述

命龜龜之兆也○疏曰大夫以上皆有述命述命

與命龜異云龜重對筮時述命命筮同筮輕也

卜人坐作龜興

作猶灼也周禮卜人凡卜事示高揚火以作龜致其墨興起也

宗

人受龜示涖卜涖卜受視反之宗人退東面乃旅

占卒不釋龜告于涖卜與主人占曰某日從不釋龜復

執之授卜人龜告于主婦主婦哭不執龜者告于下主人也

異爵者使人告于衆賓衆賓僚友不來賓僚友也卜人徹龜宗人

告事畢主人經入哭如筮宅賓出拜送若不從卜

擇如初儀

右卜

雜記大夫卜宅與葬日有司麻衣布衰催布帶曰

喪履緇布冠不緹

而進反占者皮弁卜宅卜葬地也

人也麻衣白布深衣布衰者以三分半布為衰長六寸廣四寸就綴於深衣前當胸之上布帶以布

為帶曰喪屨曰喪服之絕屨與綏同有司為卜
故用半言半凶也服占者尊於有司故皮弁其服
彌吉如筮則史練冠長衣以筮占者朝服也練冠

編冠也長衣與深衣制同而以素為純緣朝服卑於皮弁以筮輕於卜○大夫之喪

大宗人相聲去聲小宗人命龜卜人作龜大宗人小宗人即大宗伯

小宗伯相佐助禮儀也命龜告龜以所卜之事作龜鑽灼之也劉氏曰大宗人或是都宗人也小宗

人或家宗人掌都家禮者○祝稱卜筮虞子孫曰哀夫曰乃

兄弟曰某卜筮其兄旬第曰伯子某初虞即葬之日故并言葬

虞乃者助語之辭妻卑故爾若弟為兄則云某卜筮兄某兄為弟則云某卜筮其弟某

曲禮凡卜筮日旬之外曰遠某日旬之內曰近某

日喪事先遠日吉事先近日喪事葬與二祥是棄哀之義非孝子所欲

喪事葬與二祥是棄

故先從遠日而起示不宜怠微伸孝心也○
日擇日於三日中選之至事辦之辰更以決於卜筮

檀弓 弁經葛而奠與神交之道也有敬心焉周人

弁而奠殷人冏火羽而奠居喪時冠服皆純凶至

當以禮敬之心接於山川之神也於是以綰素為

弁如爵弁之制以葛為環經在首以送奠不敢以

純凶之服交神者示敬也故曰有敬心焉


白馬溫公 曰莅卜或命筮者擇遠親或賓客為

之及祝執事者皆吉冠素服註云非純吉亦非

純凶素服者但徹去華采珠金之飾而已

掘兆告后士氏之圖

遂穿壙



丘氏西漢國朝稽古
定禮地一品九十
步每品減十步七品
以下不得過三十步
庶人止於九步

司馬溫公

曰今人葬有二法有穿地直下為壙而

懸棺以窆者有鑿隧旁穿土室而攢音窳也柩於

其中者按古者唯天子得為隧道上有覆土為隧

許是也○伊川先生曰葬須為坎室為安若直下便以土實之則許大一塊土壓底四向流水必

越土虛處大不便也且棺槨雖堅恐不能勝許多土頭有失此化者無使土親膚之義○後漢書曰隧

道後世上下道行然其間棺槨尺量等事或有差誤則有至難處者不如直下之為穩也○水經曰

在下者以犯其他皆直下為墳而懸棺以窆今當

以此為法其穿地宜狹而深狹則不崩損深則盜

難近也范淳夫之葬伊川為之經理掘地深數丈

示之其後發塚者相繼而淳夫獨完○葬書穿地

直下為墳○備要同本註穿墳之具葬土匠器

用如錡斧黃春之類曲尺或用絲繩指之又橫指
之則所指中央一角正如曲尺所以度金井機者
細繩十餘尺所以度墳者金井機用木四條為之
先度棺之長短廣狹與灰之多少而裁斷於四角

作納鑿合之為機所以安地上穿壙者○又於機之上下二橫木度其中間足以容下棺外鑿四孔各立小柱以備下棺時縱置長拉於小柱之外不得內轉又於機之縱橫四木正中并表以墨以考方四

檀弓 孔子曰衛人之祔也離之魯人之祔也合之

善夫生既同室死當同穴故善魯疏曰祔合葬也離之謂以一物隔二棺之間於槨中也魯人

則合并兩棺置槨中無別物隔之○**檀弓**曰古者槨合衆材為之故大以隨人所為今用全木則無

許大木可以為槨故合葬者只同穴而各用槨也○合葬諸說見上三月葬條下

問合葬夫妻之位白虎通合葬者所朱子曰某

初葬亡室時只存東畔一位亦不曾考禮是如

何陳安卿名淳漳州人先生守漳遂從學先生每稱為吾道得人性孝友授泉州主

簿有四書口義等書
學耆稱北溪先生云地道以右為尊恐男當

居右曰祭時以西為上則葬時亦當如此方是

程子曰合葬須以元妃配享須以宗子之嫡母
此不易之道○**張子**曰設如尊穴南向北首陪

葬者前為兩列亦須北首各於其穴安夫婦之
位坐於堂上則男東而女西卧於室中則男外

而女內○**張子**曰附葬只合附一人須附以首
娶繼室別為一所可也○**朱子**曰今人夫婦未

必皆合葬繼室別營兆域可也○**程子**曰葬位
固當如祭位但世俗循冒已久凡葬皆男左女

右一家忽然如此行之數世之後安知子孫不
誤以考為妣乎不如且姑從朱子葬劉夫人之

例也○**程子**答人書曰兩親墓東西定位想中
國俗葬皆男左女右故朱先生葬劉夫人時只

循俗為之其後丘文莊亦不欲異俗而云云然
朱子答陳安卿說乃為晚年定論後世之所當

法也文莊好惡頗有不中
理處不必盡從其論也
田人家墓壙棺槨切

不可太大當使墳僅能容擲僅能容棺乃善

去年此間陳家墳墓遭發掘者皆緣墳中太濶

其不能發者皆是墳中狹小無著脚手處此不

可不知也此間墳墓山脚低卸音射今俗謂舟車出載解馬去

鞍皆卸故盜易入問墳與墓何別曰墓想是塋域

墳即封土隆起者光武紀云為墳但取其稍高

四邊能走水足矣古人墳極高大墳中容得人

行也沒意思今法令一品以上墳得高一丈二

尺亦自儘高矣李守約名閔祖光澤人父呂與朱子為友三子從學閔

祖篤志精思進士官云墳墓所以遭發掘者亦

廣東撫韓號綱齋

陰陽家之說有以啓之蓋凡發掘者皆以葬淺之故若深一二丈自無此患古禮葬亦許深曰

不然深葬有水嘗見興化漳泉間

興化郡名漳泉二州名俱

屬福建道墳墓甚高問之則曰棺只浮在土上深者

僅有一半入地半在地上所以不得不高其封

後來見福州人舉移舊墓稍深者無不有水方

知興化漳泉淺葬者蓋防水耳北方地土深厚

深葬不妨豈可同也

程子曰鑿地必至四五丈遇石必更穿之防水潤也

作灰隔

穿壙既畢先布炭末於壙底築實厚二三寸然後

布石灰細沙黃土拌勻者於其上灰三分二者各

一可也築實厚二三尺五信儀別用薄板為灰隔

如櫛之狀內以瀝青塞之厚三寸許中取容棺

板厚二寸周圍約空七八寸使可實灰沙牆高於棺四寸許置於灰上

乃於四方旋下四物亦以薄板隔之炭末居外三

物居內如底之厚築之既實則旋抽其板抽其板

之板乃築板也近上復下炭灰等而築之及牆之平而止

蓋既不用櫛則無以容瀝青故為此制當與下文

加灰隔內外蓋處通者方得其詳蓋此所謂灰隔

非今人所用之灰隔也家禮不用外櫛而顧多用

瀝青故別用薄板權為外櫛之形姑去其蓋板而

塗瀝青於其地板與四周以此代櫛而安於墳底

金他
本作

炭灰之上乃下棺於其中正如下棺於擲中也然
後始用今所用灰隔而下灰隔依今下灰隔之法
轉轉築上及隔之平而止則其狀亦如擲外用灰
炭也於時方加此隔內外蓋蓋無擲則歷青無所
用於壘故為此制專為用歷青設也故此灰隔者
所以隔灰與歷青也今所用灰隔者所以隔灰與
炭也今人未有無擲而築者其用歷青又不如家
禮之多而只用於外隔之外則無所用於此灰隔
為也不知者乃以今之灰隔之制解此灰隔又炭
之文牽強乖謬由不致詳於上下之文故耳又炭
禦木根辟水蟻石灰得沙而實得土而黏歲久結
而為金石螻蟻盜賊皆不得進也
○
曰古人
之葬欲比化者不使土親膚今奇玩之物尚保藏
固密以防損汚况親之遺骨當何如哉世俗淺識
惟欲不見而已又有求速化之說者是豈知必誠

必信之義且非欲求其不化也未化之間保藏當

如是甬

傳但三物拌勻以淡酒遍灑之○備要

尺營造尺則當入千斗四牆灰廣約七寸許則入六百斗餘皆推之黃土細沙皆篩過用之各於石灰用三分之一○三物拌均時水愈多愈好松脂隔板四所以築三物者炭末今或不用榔家禮不用而今人多用之

士喪禮既井榔主人西面拜工左還榔反位哭不

踊婦人哭于堂

既已也匠人為榔列治其材以井構於殯門外也反位拜位也既哭

之則坐施之囊中矣主人還榔亦以既朝哭矣○

○張子曰古之榔言井榔以大木自下排上來非如今日之籠棺也故其四隅有隙可以置物

檀弓

有虞氏瓦棺夏后氏堅

稷

周殷人棺榔

註見治棺

条 既殯旬而布材 材為棺槨之木也布者分列而暴乾之也 栢 栢

以端長 去聲六尺天子以栢木為槨端猶頭也 子

游曰昔者夫子居於宋見桓司馬自為石槨三年

而不成夫子曰若是其靡也死不如速朽之愈也

死之欲速朽為桓司馬言之也有子曰夫子制於

中都四寸之棺五寸之槨以斯知不欲速朽也

發大記 君松槨大夫栢槨士雜木槨 天子栢槨故諸侯以松大

夫同於天子者卑遠不嫌僭也 ○ 子曰吾少時

謀葬曾祖積年精思欲知何物能後骨而朽後咸

陽原上有人伐東漢時墓栢槨尚在又韓脩王城

是知栢最 棺槨之間君容柩 昌六 大夫容壘士容

瓦武○祝樂器形如桶壺漏水器一說壺甌皆盛
無酒器古者樽外樽內有藏器祝方二尺四寸深

一尺八寸壺大小一石甌
五斗所容大小可知
君襄
樽虞筐大夫不襄
樽

士不虞筐
鄭氏曰

問樽外可用灰雜沙土否朱子曰只純用炭末

置之樽外樽內實以和沙石灰或曰可純用灰

否曰純灰恐不實須雜以節
韻會簾竹器可以
除麤取細今文借

作節或過細沙久之灰沙相乳入其堅如石
作簾

曰棺樽間用灰妄意必用則無益多用則又須
樽大樽大又須壙大皆家禮所忌恐不用為宜

也○退齋答人問曰用油灰或樽內樽外所宜
不曾親歷其利害故不敢以臆料妄報也且此

問士人曾有欲純用油灰者深意朱子既有澄
青無益之說而只用沙灰云今若用純油灰漸

橫他
本條
生

以成俗則貧者力不辦恐有緣此而葬不以時
是自我開樊也其入遂不用今而思之開樊雖
未安濕藺止之亦無乃傷孝子之心反為未安
以此尤難於答辱問也○**寶鑑**按榔內用灰未
穩榔朽而灰孤立既不得與外灰隔為一榔外
又擗之底板腐陷則灰不能安其基矣

四圍上下一切實以炭末約厚七八寸許既辟

濕氣免水患又截樹根不入樹根遇炭皆橫轉

去以此見炭灰之妙蓋炭是死物無情故樹根

不入也抱朴子

晉書葛洪句容人家貧力學
好神仙導養之術元帝時求為

句漏令曰非欲為榮以有丹耳後入羅曰炭入
浮山鍊丹著內外篇號抱朴子尸解去

地千年不變問范家

通鑑曰范如圭章齋先生
執友朱子以父兄事之

用黃泥拌石灰實榔外如何曰不可黃泥久之

所能引樹根又問古人用瀝青恐地氣蒸熱瀝

青溶化棺有偏陷却不便曰不曾親見用瀝青

利害但書傳間多言用者不知如何禮子曰松脂塗棺特

出臆計非有稽也嵩山下鄉民穿地得古禮

梓裹以松脂乃知古人已有用之者矣禮

壤中用生體之屬禮曰生當作牲古者取父

之必漬爛却引虫蟻非所以為亡者慮久遠也

古人壤中置物甚多以某觀之禮文之意大備

則防患之意反不足要之只當防慮久遠毋使

土親膚而已其他禮文皆可畧也又如古者棺

不釘不用漆粘而今灰漆如此堅密猶有蟻子

入去何況不使釘恭此皆不可行○**楊**復曰

先生答廖子晦

名德明南劍順昌人必學釋得龜山書大悟遂師朱子登第官

至吏部選即朱子稱其學有根據號澹溪有澹溪集曰所問葬法後來講

寃木槨瀝青似亦無益但於穴底先鋪炭屑築

之厚一寸許其上即鋪沙灰四傍即用炭屑側

厚一寸許下與先所鋪者相接築之既平然後

安石槨於其上四傍又下三物如前槨底及棺

四傍上面復用沙灰實之俟滿加蓋復布沙灰

而加炭屑於其上然後以土築之盈坎而止

今人但實灰沙於槨外槨內空虛久必儲水不便慎之莫聽俗言而誤大事或問槨內外皆實

灰沙則以朱子之言為據擲又加底亦有據乎
曰頃奠先人慮地有水繆出臆見擲乃加底用
油灰麻筋召舡匠脩其縫薄溶瀝青塗其外用
以載樞擲內外如前法各實以沙灰既平擲口
再加外蓋用直板合成艚其縫不用橫者仍用
油灰批縫密釘之再溶瀝青塗其上更下灰沙
盈坎乃止問擲內外既皆實以灰沙何必又用
木擲在內曰灰沙須發熱過乃堅若不用擲滿
之則天兩地泉浸濕灰沙不能堅結故用擲隔
之則擲外灰沙縱然浸濕不結而擲內者自能
發熱堅固及擲枋腐而內灰沙已皆堅結久矣
所以加底蓋非無謂也問木擲作兩三套者討
做如何曰雖便舉動縫內漏水入去却不便必
作一箇做方穩當○**龍峯**曰棺上面灰恐無安
賴處棺枋終亦陷落恐不可用擲上之蓋沙灰
灰既厚而又與外物同心可無崩陷也
以隔蟻蟻愈厚愈佳
龍峯曰地中之患有二唯
親膚不惟以土為汚有土則有魚虫之侵骨甚
可畏也世人墓中多置鐵以避土獸土獸希有

家範

之物尚知備之為必頃嘗見籍溪先生名憲字原

仲崇安人安國從子紹興中入太學歸故山力

田奉親一意下學學者稱籍溪先生朱子年十

四奉遺訓受學籍溪及白水劉說嘗見用灰葬

者後曰遷葬則見灰已化為石矣炭屑則以隔

木根之自外至者亦里人改葬所親見故須令

常在沙灰之外四面周密都無縫罅然後可以

為固但法中不許用石擲按通典云唐制諸葬


室不許用石故此不敢用全石只以數片合成

庶幾不戾法意耳葬長子其壙用石上蓋


旁及底五寸許內外皆用石灰雜炭末細沙黃

泥築之○簡易家禮灰隔舊制先開壙後

築灰隔及內外蓋圖




灰隔內蓋



長廣料等距灰隔四牆
透青灰內取令吻合

灰隔外蓋



長廣料等距灰隔外蓋
透青灰內取令吻合

築底及築牆其法似難用功且不堅實又須開
 壤三尺餘即攤平如地乃度大道寬廣於四圍
 開溝寬二尺深四五尺留其中為母務取方正
 即布炭屑於溝內以糲米煎汁拌灰沙黃土每
 灰三石用沙土各一石務令勻周遭下之每
 石許築實傍外處仍用炭屑及母而止方可掘
 取中心築底厚三尺以薄板鋪于下用油灰布
 其縫仍用糲米汁調淨灰過灰四方俟下棺後
 乃用厚板蓋上加灰物輕輕躡之勢如魚脊此
 法最為簡當且堅實此子親督人築之者也

家禮

之其勢為難所以不得不倣墳南之說而廣之然階砌下太遠於階上依數尺之說量宜用之

誌

石

圖

底

某官某公諱某字某某州某縣人考諱某某官母某氏某封某年月日生叙歷官遷次某年月日終某年月日葬某鄉某里某處取某氏某人之女子男某某官女適某某官某

蓋

某官某公之墓

以二石字面相向而以一鐵束束之

造明器

刻木為車馬僕從侍女各執奉養之物象平生而

小准令五品六品三十事七品八品二十事非陞

朝官十五事

同本註泥塑亦可備要同本註

獻材于殯門外西面北上請主人徧視之

如哭擲獻素獻成亦如之封明器之封視之亦拜工左旋形法定為素飾

治畢為成

檀弓 孔子曰之死而致死之不仁而不可為也之

死而致生之不知去聲而不可為也是故竹不成用

瓦不成味漆木不成斲琴瑟張而不平筭篲備而

不和有鍾磬而無簨簠虛巨其曰明器神明之也

之往也竹器則無膝錄瓦器則不成其黑光之漆木器不成雖斲之文琴瑟張絃而不平不可彈也

等筭篲具而不可吹也鍾磬無懸挂之簨簠虛不可擊也以有知無知之間待死者蓋以神明之

道待○孔子謂為明器者知喪道矣備物而不可

用也善夏之用明器哀哉死者而用生者之器也不殆於

用殉乎哉

非殷人用祭器殆逆也

其曰明器神明之也塗車

芻靈自古有之明器之道也孔子謂為芻靈者善

謂為俑者不仁不殆於用人乎哉

塗車以泥為車芻靈束草為人

形以木人送葬設機而能踊跳故曰俑

○仲憲

原思

言於曾子曰夏后

氏用明器示民無知也殷人用祭器示民有知也

周人兼用之示民疑也曾子曰其不然乎其不然

乎夫明器鬼器也祭器人器也夫古之人胡為而

死其親乎

夏殷所用不全各是時王之制文質之變耳非謂有知無知也若如憲言則夏

后氏何忍以無知待之乎

檀弓

既殯而布明器

喪服 陳器之道多陳之而省納之可也省陳

之而盡納之可也陳器陳列明器也朋友所贈皆當陳列而納於壙者有定數省

減殺也若主人所作者依禮有限故云省陳而盡納

陳與卿問明器亦君子不死其親之意朱子答

曰烹家不曾用天全○郭子後問明器朱子答

曰禮既有之自不可去然亦更在斟酌今人亦

或全不用也天全○又曰喪事都不用真器糧

瓶之類無益有損棺槨中都不著世俗所用者

一物(諸類)○退後曰明器古人亦有不利用之說

其不用者恐致壙中空濶且無益故也然制禮

之意云不欲致死之故用平時之物不當致生

之故具而不可用其義亦甚切至而精微

畧用而別作便房以掩之恐無不可也

下帳

謂牀帳首席椅卓之類亦象平生而小儀節同本

註○備要

同本註○**通典**三品已上帳高六尺方五尺女子等不過三十人長八寸五品已上帳高五尺五寸方四尺五寸音聲僅從二十五人長七寸五分六品已下帳高五尺方四尺音樂僅從二十人長七寸三品以優厚料則有三梁帳蚊幃婦人掃洗帳并準式○**開元**二十九年正月勅古之送終所尚乎儉其明器墓田等令於舊數內減其下帳不得有珍禽奇獸魚龍化生其別勅優厚官供者準本品數十分加三分不得別為華飾○**退溪**曰下是帳帳指牀帳首席而言也○**爾雅**問曰下帳置之不敢知沙溪答以為下帳是對上服而言如公服靴笏簪幘頭襴衫鞋履之類屬身上所用之物故曰上服如牀帳首席椅卓之類屬身下所用之物故曰下帳者下陳器附註可知也寒岡曰來數之得

卷

舊蒼草也古稱蒼直是也

竹掩

一以盛遺奠餘

本註補下有

檀弓 君之適長殯車三乘公之庶長殯車一乘大

夫之適長殯車一乘君國君有地大夫通稱公諸侯也設遣奠以奠之牲體分

折菴暴用此車載之以遣送死者故遣車車制甚小以置之椁內四隅不容大為之也禮中殯後上

君適三乘則中亦三下則一公庶長一乘則中亦一下則無大夫適一乘則中亦一下及庶殯并無

○曾子曰晏子可謂知禮也已有若曰晏子遣去聲

車一乘及墓而反遣車一乘儉其親也國君七介

遣車七乘大夫五介遣車五乘晏子焉知禮遣車之數

天子九諸侯七大夫五天子之士三諸侯之士無

遣車也大夫以上皆太牢士少牢介也凡包牲

體皆取下體每一牲取三體前脰折取臂肅後脰

折取骼少牢二牲則六體分為三介太牢三牲則

九體大夫九體分為十五段三段為一包凡五包

諸侯分為二十一段凡七包天子分為二十七段

凡九包每遣車一
乘則載一包也
曾子曰國無道君子恥盈禮焉

國奢則示之以儉國儉則示之以禮
曾子主權有子主經

禮氏璋曰既夕禮苞二所以裹奠羊豕之肉註

云用便易者謂茅長難用裁取三尺一道編之

簠
既夕禮按下記云管簠三則簠以菅草為之

竹器五以盛五穀
徑七寸五分高六寸四分容三

升黍稷稻粱麻菽麥小豆各三升○
只用五小瓦罐各盛穀合耳或問穿便房引水不
便欲貯理諸處何如曰雖不用可也
唯埋明器○
備要五穀稻黍稷麥

司馬溫公曰今但以小甕貯五穀各五升可也

○**劉氏璋**曰既夕禮簠三容與簋同盛黍稷麥

其實皆淪註云皆湛之以湯神之所享不用食
道所以為敬

甕

甕器三以盛酒醢醢

醢平聲酸也

○

司馬溫公

曰自明

器以下俟實土及半乃於其傍穿便房以貯之史便

坐註便坐於偏側之處

①按此雖古人不忍死其親之意然

實非有用之物且脯肉腐敗生虫聚蟻尤為非便

雖不用可也

同本註丘氏曰宜小其制每種各置小許五穀每種存數十粒脯醢

存一二塊庶幾存古似亦無害

宋襄公葬其夫人醢醢百甕曾子曰既曰明

器矣而又實之

夏禮專用明器而實其半虛其半
殷人全用祭器亦實其半周人無

用二器則實入器而虛鬼器○
於禮可也豈曾子言殷人之禮有祭器而不必實
明器也歟


苞

圖



簋

圖



罍

圖



大輦

古者柳車制度甚詳

詳見既夕禮商
祝飾柩註疏

今不能然但

從俗為之取其牢固平穩而已其法用兩長杠杠

上加伏兔附杠處為圓鑿別作小方床以載柩足

高二寸旁立兩柱柱外施圓枘

鑿音漕穿孔也枘音銳刻木端入鑿

也者令八鑿中長出其外枘鑿之間須極圓滑以膏

塗之使其上下之際極常適平兩柱近上更為方

鑿加橫扁扁兩頭出柱外者更加小扁杠兩頭施

橫杠橫杠上施短杠短杠上或更加小杠仍多作

新麻大索以備扎

音扎本紮纏束也

縛此皆切要實用不

可闕者但如此制而以衣覆棺亦足以少華道路

或更欲加飾則以竹為之格以綵結之上如撮蕉

亭施帷幔四角垂流蘇而已

考索倦游錄盤線繪綉之毯五綵錯為之

同心而下垂者曰流蘇摯虞曰流蘇緝鳥尾而垂之若流然以其藥不垂故曰蘇今俗謂條頭藥為

蘇吳都賦註流蘇者五色然亦不可太高恐多罣

羽飾帷四角而垂之也

胡桂切礙不須太華徒為觀義若道路遠決不可

為此虛飾但多用油單裏樞以防雨水而已

日按本註大輦之制云云按治棺下註云棺制僅

取容身勿為高大由是推之大約不過二尺餘而

已若如卷者圖於兩杠間施以短杠四人於中並

行局促迫窄實難轉動况本註亦無明說今擬施

橫杠出兩長杠之外庶幾寬敞可以行動又棺中

斂物不無多寡枓鑿轉動多致偏重臨載之際或

偏有低昂須用他物稱墜方得適平今擬於方床

四隅各加一鐵環而兩長杠之上亦如之繫繩於

下環而貫之於上隨其低昂而操縱之如此則適

平矣又此輦只可行近地寬平之處不可行遠今

增損舊制別為新式以便行遠其長杠量截去兩

頭每頭出棺省尾各留尺五六寸就於兩頭各施

橫杠從杠頭量八尺許又施橫杠却於分中處加

一直杠俱用麻繩扎縛然後加以短杠如舊式或

用八人十六人隨宜以此行遠庶樂
側隘之虞無所防礙○備要同本註

禮

喪祝掌大喪及祖

祖

真飾棺

設帷幃

之屬

乃載九卿

大夫之喪掌事而飾棺焉

檀弓

孔子之喪公西赤為志焉飾棺墻置翣設披

周也設崇殷也綢練設旒夏也

公西赤以飾棺榮夫公西赤以飾棺榮

之制以章明志識焉於是素為褚褚外加牆車

邊置翣恐輻輳傾駘而以繩左右維持之此皆周

之制也其送葬乘車所建旌旗刻繒為崇牙之飾

此則殷制又綢盛旌旗之竿以素錦於杠者設長

尋之旒此則夏
禮也練素錦也○子張之喪公明儀為志焉褚幘

丹質蟻結于四隅殷士也
褚者覆棺之物大夫以上其形似幄士則無褚

公明儀尊師故特為褚不得為幄但似幕形故云
褚幘以丹質之布而為之也又於褚之四角畫

蟬之形交結往來

故云蟻結于四隅○池視重雷池者柳車之池重雷者屋之承雷以

木為之承於屋簷水雷入此木中又從木中而雷

於地故云重雷也天子之屋四注四面皆有重雷

諸侯四注而重雷去後大夫惟前後二士惟一在

前生時屋有重雷故死時柳車亦象宮室而設池

於車覆鼈甲之下牆帷之上蓋織竹為之形如籠

衣以青布以承鼈甲名之曰池以象重雷方面之

數各視生時重雷

喪大司飾棺大夫畫帷二池不振容畫荒火三列

散三列素錦楮纁紐二玄紐二齊三采三貝魚躍

拂池大夫戴前纁後玄披亦如之畫帷畫為雲氣

各一云前後各一畫荒亦畫雲氣也齊三士布

采絳黃黑也披亦如之色及數悉與戴同士布

帷布荒一池揄搖絞交纁紐二緇紐二齊三采一

貝士戴前纁後緇二披用纁布在布不畫也一池

青質五色絞青黃之緇也畫翟於絞緇在池上戴

前二用纁後二用緇二披據一邊言若通兩邊言

亦四披也

雜記大夫不揄絞屬燭於池下諸侯以上則畫揄

之下大夫降於人君○大夫士死於道則大夫以

故不揄絞屬於池下

布為輶而行至於家而說輶載以輶過車入自門

至於阼階下而說車舉自阼階升適所殯士輶輦

席以為屋蒲席以為裳帷布輶以白布為輶輶讀

輶曰輪無輶曰輶無輶者合大木為之大夫初死

及至家皆用輶車載之今至家脫去輶則惟尸在

輶車上故載以輶車凡死於外者尸入自門升自

阼階則入自闕升自西階周禮殯則於西階之

上唯死於外者殯當兩楹之中蓋不忍遠之也○士卑故質畧如此

朱子曰某舊為先人飾棺考制度佐帷幌延平

先生名侗字愿仲南劍州人朱子自謂見延平後為學始就平實沙縣鄧天啓稱愿仲如

冰壺秋月以為不切而今禮文覺繁多使人難

行後聖有作必是裁減了方始行得

集覽按丘儀士喪禮商祝飾棺一池設披屬引

註飾棺為設牆柳也牆即柳衣也柳者聚也諸

師之所聚也以此障柵猶垣牆之障家故名池

者象宮室之承雷織竹為籠衣以青布披用帛

為之繫於柳中人牽之登高則引前以防車之

軋適下則引後以防車之翻歛左則引右歛右

則引左屬猶着也引所以引柩車也喪大記大


夫畫帷二池畫荒火三列蔽三列素錦褚纁紐

二玄紐二齊三采三貝黻翬二畫翬二皆戴纁

魚躍拂池大夫戴前纁後玄披亦如之上布帷

布荒一池掄絞纁紐二緇紐二齊二采一見畫
翼一皆戴綬士戴前纁後緇二披用纁註帷柳
車邊牆也畫為雲氣荒蒙也柳車上覆也火三
列畫為火三行轂三列畫為兩已相背三行素
錦白色錦也楮屋也紐用帛為之聯帷與荒前
絳後黑齊者猶臍也用絳黃黑三色繒衣之三
貝者又連貝為三交絡齊上翼形似扇用木為
之在路則障車入櫛則障軀轂者畫黑白斧形
也畫者為雲氣也綬者用五采羽佐纁綴翼之
兩角也魚躍拂池以銅魚懸池之下車行則魚
跳躍上拂於池也戴者用帛繫棺紐着柳車之
骨也士帷皆白布不畫也一池帷前有之掄讀
為搖絞搖翟也雉類赤質五色絞用青黃綃畫
翟於絞按禮大夫士棺飾如此華盛家禮從簡
便帷用竹格若仕宦之家有餘力者
於竹格上稍加華飾似亦不為過

大 鑾 圖



竹 格 圖



柳 車 圖



翬

以木為筐如扇而方兩角高廣二尺高二尺四寸

衣以白布柄長五尺黼翬畫黼翬翬畫翬畫

雲氣其緣皆為雲氣皆畫以紫准格日謂准格者依宋制

也○家禮本註有之姑盡于此以備其制今擬大夫用

翬翬二雲翬二士用雲翬二○按翬若用造

禮器尺則高出棺上不便當用周尺又曰家禮定

條無翬入壙之文或

是闕文抑故畧之與

喪大記君黼翬二黻翬二畫翬二皆戴圭翬形似扇木為

之在路則障車入殯則障柩二畫黼二畫

黻二畫雲氣六翬之內角皆戴圭玉也大夫黻

翬二畫翬二皆戴綬綬皆戴綬者

反進士畫翬二皆戴綬

綬者

綬者

用五采羽佐黼綬
綬者未必戴至綬
皆戴璧諸侯六
戴綬戴至者必戴
綬者未必戴至綬
也

天子五重八
綬諸侯三重六
綬大夫再重四

綬
詳見既夕禮
重抗木與首也


周人牆置綬
已見上
治棺條

黼 綬



周禮白與黑謂
之黼綬為斧形

綬 黻



同禮黑與青謂
之黻儀即用黑
青二色相間為
亞形當從家禮
皆畫以紫

大夫四散綬
雲綬各二

綬 雲



以紫畫
為雲氣

士只用雲綬二

作主

程子

曰作主用栗

木主必以栗何也
程叔子曰周
用栗土所產之木
取其堅也今

用栗後周制也若四方無栗亦不必用但取木之堅者可也 跌方四寸象歲之四時也

厚十二分鑿之洞底以受主身身身高尺二寸象十月

博三寸厚寸二分十二分象日之辰剡上五分剡時尖切削也為

圓首寸之下勒晉德切刊也刻也前為額而判之四分居

前八分居後領下陷中長六寸廣一寸深四分合

之植於跌下齊絕下字句絕誤竅其旁以通中

圓徑四分如身後三之一居三寸六分之下居二分下距

跌面七寸二分身出跌上一尺八分并跌高一尺二寸以粉塗其前

面伊川先生曰作主取法於時日月辰陷中以書爵姓名行曰宋故某官某公諱某字某第幾神

主粉塗其前以書屬稱屬謂高曾祖考稱謂官或號行如處士秀才幾郎幾公旁題主祀之名曰孝

家禮源流卷九

子某奉祀加贈易世則筆滌而更之水以洒庙牆外改中不改○**朱子**曰伊川木主制度其刻刻開

竅處皆有陰陽之數存焉信乎其有制禮作樂之具也○**朱子**曰府君

夫人共為一櫛則歲二主於一櫛者用此道也合葬所以同夫婦之道○

按古者虞主用桑將練而後易之以栗今於此便

作栗主以從簡便或無栗止用木之堅者擯用黑

漆謂此所謂版即座蓋也座之式以方四寸厚

寸二分交木為跌又以薄板三斤相合安於跌之

兩旁及後面其版比主稍高虛其前面與項跌之

四邊各寬於版少許令可容蓋蓋亦以薄版為之

四邊相合有頂其長可以罩跌上之版惟前面留一圓竅俱飾以黑漆或粉漆○**朱子**曰祠堂本章下止云為四龕每龕內置一卓子其上置擯龕外各垂小簾無有輶藉之說其說蓋出温公書儀朱子既已不取不用可也今不復為之圖而止

圖攢式徑簡省也。有力者如或為之亦且容一主。無不可。○備同本註圖神主用周尺。

夫婦俱入祠堂乃如司馬氏之制

桑木長一尺方

五寸上頂經一寸八分四廂各刻一寸一分四隅各刻一寸上下四方通孔經九分倚几長二尺三寸廣七寸厚二寸足高五寸內攢頂虛四面高一尺一寸八分廣各一尺九分底長廣各一尺三寸厚四分外攢蓋平四面直下長各一尺四寸五分廣二尺二寸厚四分臺長廣各一尺三寸厚三寸用栢子板攢內外皆有紫綾座子外則裹白絹主有白紅覆巾王后則青苧巾位版同唯無覆巾位版用栗木為之長一尺二寸厚八分廣四寸圭首跌長八寸廣四寸厚二寸座制面頂俱虛底板長一尺四寸廣九寸厚二寸三面板高各一尺三寸一分厚各三分後面廣一尺五分左右面廣各五寸蓋制平頂四向直下正潤傍狹蓋板長一尺一寸七分廣六寸三分有奇厚三分前後板長一尺三寸五分廣一尺一寸七分厚三分左右板長一尺三寸五分廣六寸三分有奇臺長一尺四寸廣

家禮新疏卷九

用柩子厚三寸

檀弓重主道也殷主綴拙重焉周主重徹焉本註詳見

上魂帛下○曰古人亦不為影像繪畫不真

世遠則棄不免於褻慢也故不如用主古人猶以

主為藏之於殯設之於位亦為褻慢故始無設為

重甫以為主道其形制甚陋止用葦篋為之又設

於中庭則是敬鬼神而遠之義重主道也士大

夫得其重應當有主既埋重不可一日無主故設

簋及其已作主即不用簋○諸類問死者魂氣既

散而立主以主之亦須聚得些子氣在這裡否朱

子曰古人自始死吊魂復魄立重設主便是常要接續他些子精神在這裡

公羊傳虞主用桑練主用栗用栗者藏主也○穀

梁傳立主喪主於虞吉主於練像也孝子既葬心

無所依以虞而立主以事之唯天子諸侯有主卿

大夫無主尊卑之差也三王之制小祥以前主用

桑桑猶喪也○通典公羊說卿大夫無主之說見

上魂帛條下○士虞禮註曾子問曰天子崩國君

薨則祝取群廟之主歲諸祖廟卒哭成事而後主

各反其廟然則士之皇祖於卒哭亦反其廟無主

則反廟之禮未聞其以幣告之乎疏曰天子諸侯

有木主可言聚與反大夫無木主故云無主則及

廟之禮未聞○練主夏后氏以松殷人以栢周人

以栗白虎通魯哀公問主於宰我宰我對曰夏后

氏以松所以自竦動殷人以栢所以自迫促周人

以栗所以自戰栗亦不相襲廟主以木為之者木

有終始與人相似題之欲令後可知○尹氏曰古

者各以所宜木名其社非取義於木也宰我不知

而妄對○以栗按三代主木之不同亦以其土

之所宜歟○程氏曰用栗取其堅實別無義也

程子曰庶母亦當為主但不可入廟子當祀於

私室亦當附嫡母側○集說按丘氏妾母附廟

之說誤矣恐主之制度則一盖有法象不可益

不可從也

家豐原元卷九

三十六

損益損則不成矣

飛卷曰古禮妾亦有神主今造神主似無不可然今此則

不損造主只用位版為可若只書膀太為愈畧尤易於廢忘之勢故的其中而為位板可也

○朱子曰伊川制士庶不用主只用牌子者

牌子當如古制只不消

消語助不釋不消不煩之意

二后相

合及竅其旁以通中

問用主如何程子曰白屋之家不可只用牌子可矣

如某家主式是殺諸侯之制也

且如今人未仕只用牌子到仕

後不中揆了

退溪曰釋以中間不可揆改之義

若是士人只用

主亦無大利害

問庶人家亦可用主否朱子曰亦用不妨且如云云

主式

乃伊川先生所制初非朝廷立法固無官品之

限萬一縉世無官亦難遽易

集覽曰遽易位板為神主也但

緇此不當佐耳

禮說

曰有官人自作主不妨集

當作位板而當作神主也

牌子亦無定制竊意亦須似主之

大小高下但不為判合陷中可也凡此皆是後

賢義起之制今復以意斟酌於古禮未有考也

答曾光祖書

○

語類

問程氏主式士人家可用

否朱子曰他云已是殺諸侯之制然今未見諸

侯之制本是如何若以為疑則用牌子可也曰

牌子式當如何曰溫公所用大板子今但依程子

主式而勿陷其中可也

今詳伊川主式書屬稱本註屬謂

高曾祖考稱謂官或號行如處士秀才幾郎幾

公之類如此則士庶可通用

曰士大夫家而云幾郎幾公或

是上世無官者也

周尺當省凡七寸五分弱程集與書

儀誤註五寸五分弱溫公圖以謂三司布帛尺

即省尺程沙隨實錄程可久名迥號沙隨寧陵人靖康之亂徙紹興之餘姚市

至上饒令嘗受學於嘉興聞人茂德嚴陵俞尺携著古易章句等書先生稱其博雅君子人

即布帛尺宋子答胡伯量曰尺樣溫公有圖後人刻之於石其說甚詳沙隨所据即

也此本今以周尺校之布帛尺正是七寸五分弱

然非有聲律高下之差亦不必屑屑然也得一

書為據足矣潘時舉曰周尺當今省尺七寸五分弱而程氏文集與溫公書儀多

誤註為五寸五分弱而所謂省尺者亦莫知其為何尺時舉嘗質之晦翁先生答云二書高低

雖有小不同然本只要見式樣其高廣之度自有尺寸初不取此為準也省尺乃是京尺溫公

有圖子所謂三司布帛尺者是也會稽司馬侍郎家求得此圖其間有古尺數等周尺居其右

三司布帛尺居其左以測尺校之布帛尺正是
七寸五分弱於是造主之制始定今不敢自隱
引圖主式及二尺長短而著伊川之說於其傍
○**五尺**曰家禮神主制度本伊川說而無尺式
後人以潘時舉所得司馬家二尺式圖於卷首
其一三司布帛尺一即周尺也近時書四刻附
註等書以板本短狹之故而所畫之尺亦隨之
而短維其傍書曰當今三司布帛尺七寸五分
弱今世之人豈知三司尺為何等尺哉唯蘇霖
所刻橫畫尺式最為得體但亦無所準則今以
武林應氏圖準以今之鈔尺使作主者有所依
據○**五尺**曰家禮圖本非朱子之作不可為則
今只圖其形而非圖長短者也板各不同又丘
氏儀節則太長亦難取信我國今作神主周尺
傳來雖久常以為疑今考徐居正筆苑雜記
世宗朝許稠得陳友諒子理家廟神主尺式又
得議節姜天靈家尺本乃其父判三司事姜碩
翁有院元使金剛所藏象牙尺所傳也而書云
神主尺定式以今官尺去二寸五分用七寸五
分則與家禮附註潘時舉所云周尺當今省尺

七寸五分弱之語同二本相較不差於是始定
尺制凡神主與天文漏器據此以為定式後赴
京人買得新造神主來寸分相合今我國所用
周尺與中國同無疑矣云今姑遵世宗朝所
定用今尺
似合道理


朱子

答郭子從曰江都集禮晉安昌公荀氏祠


制云祭版皆正側長一尺二分博四寸五分厚
五分八分大書云云今按他所引或作厚五分
八分通典開元禮皆然詳此八分字連下大書
為文故徐澗云又按不必八分楷書亦可必是
荀氏全書本有此文其作五寸者明是後人誤
故也若博四寸五分而厚五寸八分則側面濶
於正而矣決無此理當以執禮為正○問溫公
所作主牌甚大濶四寸厚五寸八分不知太小
當以何者為是曰便是溫公錯了他却本荀昂
禮○**參**先師問士牌子式朱子曰晉人制長一
尺二分博四寸五分亦太大不如只依程主外
式然其題則不能如臨中之多矣○**黃真卿**問
神主牌先生夜來說荀昂禮未終曰溫公所製

神主全式

牌潤四寸厚五寸八分錯了據隋煬帝所編禮
 書有一篇荀勗禮乃是云潤四寸厚五寸八分
 大書某人神座不然只少錯書亦得後人相承
 誤了却作五寸八分爲一句○
 日竊謂只於宗子之家立主而祭其支子則只
 用牌子其形如木主而不判前後不爲陷中及
 兩竅不爲橫以從降殺之義不知如何○
 答人曰神主尺度不中改造似當然昔李光卿
 造家先牌子只用五尺其後覺長大不合度欲
 改之問於朱子朱子云而今不可動以此觀之
 牌子不可動則神主可改易
 乎火災改主說見上祠堂條






神主坐式






面頂俱虛

底蓋闊厚出令受蓋
 蓋壁皆以黑漆飾之

神主前式 神主後式 韜縫式





積蓋式 跌式 藉式




尺

虞主內匱




練主制
同唯用
栗異

倚几外匱




臺



周尺

布帛尺半

六尺由堂原冠長一尺



均十

式


家禮源流卷之九

家禮源流卷之九

禮器尺半

營造尺半





禮喪流源

五